

رومانسية

فوفيللا

# المنقذ والسحابة



نيرة نجدي

خلوف سيلين آدم



### المقدمة

ظننت أن تعارفهم صُدف لُفِظت من رحم القدر!!..  
لتكتشف بعدها أن مهمته حمايتها!، وأنه يخدعها لأجل ألا  
تُزهق روحها!!!  
ولكنه أنقذها من الموت...فهل من المحتمل أن تعشق منقذ  
كاذب؟!!






## المنقذ و الشجاعة

نيرة نجدي

حكاوي الكتب للنشر الالكتروني

[www.hakawelkotob.com](http://www.hakawelkotob.com)

تصميم: فاطمة الزهراء



في مبني عملاق في وسط العاصمة يبدو أنه مقسم لمكاتب، و  
في إحدى هذه المكاتب، نجد رجلا في نهاية الأربعينات من  
عمره أسمر اللون، وقد اختلطت بعض الشعيرات البيضاء بشعره  
الأسود المجعد، و يرتدى قميص سكري يعطوه سترة من اللون  
البنى و يبدو عليه الجدية الشديدة المختلطة بالنظرة الناقدة  
الفاحصة لتلك الأوراق التي أمامه، يدعى «إيهاب البحراوي!!!»  
رفع بصره بتلقائية ليتحدث مع الفتاة الماثلة أمامه، و  
بالتحديد أمام مكتب رئيس التحرير!


فتاة تبدو في العشرينات، و بالتحديد في الثالثة و العشرين من  
عمرها، ممشوقة القوام و خميرية البشرة، مرتدية فستان واسع  
بطريقة معتدلة من اللون الأخضر المشجر الغامق و حجابها من  
نفس اللون و لكن بدرجة أفتح قليلاً!!

و الأهم من ذلك هو تلك النظرات البادية على ملامحها و التي  
تنم عن عشق التحدي الممزوج بلون العسل الصافي لعيونها؛ و  
تدعى "علا الهواري!!"

إيهاب متسائلاً بجدية و متفحصاً لردود أفعالها:

\_ أنتي عارفة خطورة الأوراق دي كويس يا "علا"؟!!

لتجيبه "علا" بحماسة و تحدي:





\_طبعاً يا فندم! ، و عارفت أن حياتي ممكن تكون في خطر  
لما الرأي العام يثور ضد الفساد...بس المهم حياة الغلابة اللي  
بيضحك عليهم بسبب جشع الناس دي!

ليهتف "إيهاب" بتساؤل:

\_طب و إيه اللي يثبت صحة الأوراق دي؟!

لتجيبه "علا" بابتسامته ذكية:

\_مع احترامي الشديد لحضرتك...بس أنا اتعلمت من حضرتك  
أحتفظ بمصادر معلوماتي لنفسي و ما اتكلمش عنهم لأي  
كان!!!

ليهتف "إيهاب" بفخر:

\_طول عمري رأيي فيكي واحد!!...


لتهتف "علا" متسائلة بحماسة:

\_طب قرار حضرتك النهائي بخصوص النشر إيه؟!

ليعتدل "إيهاب" في جاسه بجديته و ينزع نظارته الطبية من فوق  
أنفه ، و يطالعها بنظرات ذات معنى:

\_أنتي شايضة المفروض يتعمل إيه دلوقتي؟!

لتجيبه بحماسة شديدة:



\_بعد إذن حضرتك طبعاً...لازم الأوراق دي تروح المطبعة

بأسرع وقت ، و يا حبذا لو قدرنا نلحق طبعة بكره الصبح!!!

ليهب "إيهاب" واقفاً فجأة:

\_طول عمرك هتفضلي ورا الحق!!

ثم أردف مبتسماً بفخر:

\_و طبعا أنا معاكي ، و إتفضلي بسرعة على المطبعة علشان

تلحقي طبعة بكره!

لتبتسم "علا" بإشراقة هاتفة:

\_متشكرة لحضرتك جداً يا فندم..عن إذنك!!

ليجلس "إيهاب" فوق مقعد مكتبه ثانياً و يهم بإرتداء نظارته

الطبية مغمماً بإذن خروجها؛ ليتابع عمله بجديّة كسابق

عهده!!


بينما تخرج "علا" من المكتب و من المبنى بأكمله قاصدة

وجهتها "المطبعة" ، فتعطيهم أوامر بالنشر و معها موافقة رئيس

التحرير ، كما أنهم تلقوا الأوامر بالسماح بنشر تلك الأوراق!!

و أخيراً تعود لمنزلها مرهقاً!

في اليوم التالي صباحاً،،،



فى إحدى الصالات الرياضية المجهزة بأحدث الأجهزة الرياضية!!

وجد شاب فى بداية الثلاثينات من عمره ، و بالتحديد فى الحادى و الثلاثين ، طويل القامة ، و عريض المنكبين ؛ بحيث يتمتع بالجسد الرياضى و يمتاز بالوسامة على حد سواء ، و عيونه بنية اللون و التى تشبه فى حداثها نظرات صقر ، و يدعى "سليم راغب!!!"

و ها هو يمارس إحدى تمرينات الضغط ، و ما إن ينتهى منها ؛ حتى يتوجه صوب الجزء المخصص بالأثقال الرياضية ؛ و يبدأ بحمل إحدى تلك الأثقال بشكل دورى مؤدياً تمرينه بتركيز شديد و فى سلاسة!!...

و فجأة يقاطع تركيزه صوت هاتفه المنبعث من جيب السترة الخاص ببذلته الرياضية ، ليضع ذاك الثقل فى مكانه ، و يهر بأخذ هاتفه و ما إن يفتحه حتى يستمع بتركيز لما يبلغه إياه الطرف الآخر على الخط!

و ما هى إلا لحظات قليلة حتى يغلق الخط بعد أن نطق بكلمة واحدة:

\_تمام!!...

ثم يتأهب للمغادرة تلبياً لما أمر به فى التو و الحال!!!



في إحدى ضواحي القاهرة،،،

بداخل شقة غاية في البساطة و الترتيب ، مقسمة لغرفتين  
بالإضافة إلى الحمام و المطبخ و الصالون!

و في إحدى هاتين الغرفتين ؛ نجد "علا" نائمة بعمق على  
فراشها، و لكن يقاطع إسترسالها في النوم هو الصوت المزعج  
لرنين هاتفها...فتمدّ يدها بفضولية بغاية الإمساك بذاك  
الهاتف المزعج بسرعة قبل أن تحطمه؛ فهو يصدر أصوات  
مزعجة و كأنه يعلن عن نشوب حرب إلكترونية!!

و ما إن أمسكت بالهاتف و فتحته؛ حتى أبعدته بسرعة عن أذنها  
و اعتدلت سريعاً في جلستها، لتتحدث بحذر مع ذاك المتصل!!  
المتصل بعصبية:


\_برضو ما بتسمعيش الكلام!!

لتجيب "علا" بصبر:

\_و الله يا عمو كنت همشي بعد ما خلصت آخر مقال...بس.....

ليقاطعها المتصل بعصبية أشد:

\_مابش!! في ظرف ساعة بالكثير تبقي في الشيلة!





ثم يُغلق الخط سريعاً من قبل المتصل! ، لتتأفف علا في ضيق هاتفت:

\_دلوقتي لما أروح هناك هاخذ كلمتين في جنباتي!!

و ما إن تتهى تلك الكلمات ؛ حتى تنهض من مكانها و تتوجه إلى الحمام بعد أن أخذت ما تحتاجه من ملابس لتغتسل و تنتعش استعدادا لما ستواجهه مع عمها رجل الأعمال المشهور "أحمد الهواري!!"

في مكتب خاص بالحراسات تابع لوزارة الداخلية،،،


نجد رجل في الخمسينات من عمره ، ذو ملامح حادة و صارمة في آن واحد تليق بمنصب اللواء حقاً!!

و يتمتع ببشرة سمراء و شعر أبيض اللون ليشهد على سنوات الخدمة في الداخلية، و يدعى "عز الدين منصور!!"

اللواء عز الدين بجديّة:

\_أنا فخور بيك يا سليم...أنت في المهمة السابقة حافظت على حياة السفير و أنقذته من الإغتيال فدلوقتى أقدر أقولك مبروك يا سيادة "الرائد سليم" علي الترقية!!

ليجيبه "الرائد سليم" بإبتسامة واثقة:



\_شكراً لحضرتك يا فندم ، و إن شاء الله أكون دائماً قد  
المهمات الجايّة!!

لينهض "عز الدين" من مكانه و يسير بخطوات واثقة صوب  
"سليم" و يتحدث بفخر و عيناها لا تحيدان عن "سليم" و اضماً  
كف يده على كتف الآخر:

\_طول عمري بعترتك زي ابني...و الحمد لله كل مرة بتثبت  
إني كنت صح لما إخترت إنك تكون من ضمن رجالي!!  
ليطالعه "سليم" بابتسامة جذابة:

\_ده شيء يشرفني يا فندم!

ليسحب "عز الدين" يده من فوق كتف "سليم" ، و يستدير  
بظهره متوجهاً إلى مقعد مكتبه ، و تحين منه نصف استدارة  
صوب "سليم" هاتفاً بجديّة:

\_على مكتبك هتلاقي ملف لوزير الزراعة ، بكرة يكون  
على مكتبي تقرير بالتأمينات اللازمة لسيادة الوزير!...مفهوم  
يا بطل؟!

ليوماً "سليم" بثقة شديدة:

\_مفهوم يا فندم!

ثم يؤدي السلام الرسمي ؛ لينطلق خارجاً من مكتب اللواء ، و  
متوجهاً لمكتبه لدراسة المهمة الجديدة!!!!..





في فيلا أحمد الهواري،،،

تدلف "علا" بسيارتها من البوابة حتى تصل إلى الكراج ، و  
تصف سيارتها و تجمع أشياءها المبعثرة بالسيارة في حقيبتها ؛  
قبل أن تهبط منها متوجهة إلى مصيرها المحتوم!!!!!!...

و ما إن تصل لباب الفيلا...حتى تبحث بسرعة عن المفاتيح  
الخاصة بها حتى تدلف إلى الداخل!!


لكن بئساً لذاك الحظ...حيث انفتح الباب فجأة ليطالعها وجه  
عمها "أحمد الهواري" أرجل في الخمسينيات من عمره ، ذو شعر  
أشيب ، و برغم طيبة ملامحه...إلا إنها في ذاك الوقت كانت  
تنم عن الغضب الصارخ الى يملكه ، و يبدو أنه يحاول جاهداً  
أن يتحكم في أعصابه!!

ليتهف "أحمد الهواري" مصطنعاً التماسك و الهدوء:

\_حاصليني على مكتبي بسرعة!

ثم ينطلق من أمامها!!

لتلاحقه بخطواتها الرشيقّة داعيةً الله أن يمرّ ذاك الموقف  
على ما يرام! ؛ فإن ذاك الموقف يتكرر كلما نامت بشقة  
والدها القديمة بمفردها!!!!...



و ما إن تخطو "علا" بداخل المكتب حتى تتسمر في مكانها ؛  
إثر تحديق عمها الغاضب ، فتحاول ابتلاع ريقها بصعوبة شديدة  
، و البدء في التفسير قبل أن يباغتها بشن ذاك الهجوم المعتاد  
، هاتفت بصعوبة:

\_أنا..كنت هرجع...على..الشيلا...بس.....

عمها متسائلاً بغضب:

\_بس إيه يا هانم؟؟ ، قولتلك بدل المرة عشرة...ممنوع تباتي  
هناك لوحدةك!! حصل ولا ما حصلش؟؟!

لتعترف ببساطة:

\_حصل يا عمو...بس و الله العظيم الوقت سرقني..و حضرتك  
قولت إن مينفعش أتأخر في الشارع بره أكثر من الساعة ١٠  
بليل!!

ليتهف "أحمد" بتساؤل:


\_و ما إتصلتيش ليه و عرفتيني؟؟!

لتبالي شفتيها و تهمس بإحراج جمّ:

\_ها...بصراحة كده يا عمو...أنا قولت هصحى بدري..و.....

ليضيف "أحمد" بعصبية:

\_و ترجعي قبل ما أصحى...مش كده يا هانم؟!







لتقترب "علا" بتوجس من عمها قائلة:

\_و الله يا عمو مبحبش أزعجك!!!..

ليتهف "أحمد" بجمود:

\_تبقى غلطانة يا علا!! ، أنتي بنتي...لو ماكنتش أخاف

عليكي...هخاف على مين؟!

لتعانق عمها هاتفت بإعتذار صادق و بسيط:

أنا أسفرت يا عمو...أوعدك مش هتكرر تاني!!!

ليرد "أحمد" مربتاً على كتفها بحنو:

\_وعد يا بنت عبد الله؟!

لتقبل يد عمها قائلة:

\_وعد يا عمو!!

ثم أردفت بمرح:

\_أنا عندي ليك خبر مهم!!

ليتهف "أحمد" متسائلاً بتوجس:

\_خير اللهه إجعله خير....قولي يا سيادة الصحافية!

لتتهف "علا" متسائلة بحماسة:

\_فين الجورنال بتاع النهاردة؟!

ليبتعد عنها و يذهب إلى حافة المكتب فيجلب الجرائد قائلاً  
بخوف أبوي حقيقي:

\_أهو يا ست هانم...لسه ما قرتش حاجتـ...يا خوفي من  
حماسك دي!!!

لتهتف "علا" بحماسة أشد و هي تمسك بالجريدة التي تعمل  
في مؤسستها:

\_طب إقرأى الخبر ده كده!!!..

لينظر إلى ما تشير إليه بإصبعها ، و يلتقط منها الجريدة!  
و بعد مرور خمس دقائق،،

تتعالى نسبة الأدرينالين بجسمه و تنتفض عروقه غضباً هاتفاً:  
\_ايه المهلثة اللي نشرتها دي؟!


لتهتف "علا" بضيق:

\_ليه بس يا عمو؟!

ليجيبها "أحمد" بعصبية:

\_شكك مستغنية عن عمرك!....خلي بالك اسمك  
الحركي ده مش هيفيدك كتير!! ، لأن الناس اللي  
بتهاجميهم دول واصلين جداً!!!

لتجيبه "علا" بهدوء دبلوماسي:





\_عمو..لو سمحت اسمعني!!

ثم تأخذ نفساً عميقاً و كأنها تستمد منه القوة اللازمة للجدال مع عمها {فهو من يحتل مكانة أبيها بعد وفاته منذ خمس سنوات} لتتهف:

\_أنا بعمل اللي مؤمنة بيه و شايفت أن اللي بعمله ده مش غلط...لأن مش ذنبي إنهم بيضحكوا علي الناس الغلابة و معيشتهم في وهم إنهم هيعالجوهم ، و بعدين يبقى مضيش أدنى إعتبار لصحتهم علشان جشعهم!!

و تستطرد بعند و تصميم:

\_أنا مش خايفت يا عمو...لأني بعمل الصح!! ، لو ما حاربتش علشان الناس دي...هخسر نفسي..هحس إني ماعملتش اللي عليا تجاه وطني...هحس إني خاينة للمسئولية!!


أحمد متنهداً بعمق:

\_إفهمي...أنا خايف عليكى...بس واضح إن دماغك ناشفت زي أبوكي الله يرحمه!!

لتتهف "علا" بمسحة حزن:

\_ربنا يرحمه!

ليتهف "أحمد" بتساؤل:





\_و ناوية على ايه دلوقتي؟!

لتجيبه "علا" بجديّة:

\_ما تعودتش أهرب من المواجهة يا عمو!!

ليهتف "أحمد" بضيق:

\_و لحد إمتى هتفضلي فاكرة إن إسمك الحركي  
هيحميكي؟!..كلها كام يوم و يوصلوا ليكي...يا بنتي أنا  
خايف عليكى!!

لتنو "علا" من عمها و تعانقه بحنو هاتفت:

\_إدعيلي...و أنا هكون بخير !!

لينظر في عيونها متحدثاً بلهجة لا تقبل النقاش:

\_من بكره هجيباك!! Body Guards


لتهتف "علا" بدورها بحنق و سأم:

\_يا عمو أنا مش صغيرة...و هقدر أحمي نفسي كويس...و لو  
سمحت يا عمو متحطنيش تحت الأمر الواقع و إلا.....

ليجيبها "أحمد" بعصبية:

\_و إلا هتطفشهم زي كل مرة!!

لتهتف "علا" بتفكير:





\_طب أنا أوعد حضرتك...إني أول ما أحس إني محتاجهم..هقول  
لحضرتك ، دلوقتي هروح أشوف خالتو بقى و "هاجر!!"  
و قبل أن يهمّ "أحمد" بالرد ، كانت "علا" قد انسحبت بسرعة  
من الغرفة متوجهة للخارج!!  
ليتنهد عمها بنفاذ صبر قائلاً:  
\_طالعة لأبوكي الله يرحمه فى كل حاجة!! ، يا رب إحميها  
يا رب!!!


في الجريدة التي تعمل بها علا،،،

تدلف "علا" بخطوات واثقة إلى داخل الجريدة، بعد إن وردها  
اتصال من مكتب سكرتير رئيس التحرير ، و الذى يخبرها  
بضرورة المجيء لمقر الجريدة في الحال!! ، و بعد إلحاح شديد  
من "علا" وافق "أحمد" على مضض بذهابها...و لكن شرط أن  
يقود بها السائق الخاص به ، و أن تأتي على الفور بعد أن تنتهي  
مما ستفعله في تلك الجريدة المشؤومة!!!

و في طريقها إلى مكتب رئيس التحرير «إيهاب» تقابل زملائها  
في الجريدة!

ليهتف "إسلام" بحماسة (و هو زميلها في الجريدة):

\_أيوه كده يا أنستة علا....بجد المقال ده كان ضربة معلومة!





لتجيبه "علا" بإبتسامته خفيفة:

\_شكراً يا أستاذ إسلام...و لسه لما نشوف رد فعل الرأي العام!

ليجيبها "فارس" (زميل آخر لها):

\_ما تعلقيش السوشيال ميديا مولعت بسبب مقالك الأخير و ربنا  
يستر عليكى!!

لتهتف "نغم" (زميلتها في الجريدة و أيضاً في نفس غرفة  
المكتب) متنهدة بقلق:

\_فعلاً يا "علا" ربنا يستر عليكى!!...لأنهم مش أي ناس..دول  
من الناس الكبيرة في البلد ، و ليهم إعتبارهم برضوا!  
لتجيبها "علا" متنهدة:

\_إن شاء الله خير...المهم الحقيقة توصل و حق الناس يرجع  
بدل الظلم و القهر اللي هما فيه بسبب الجشع!  
لتهتف "مي" (زميلتها الأخرى):

\_صحيح هما ناس ليهم وزنهم...بس برضو إحنا من أكبر جرائد  
المعارضة و لينا اسمنا و سمعتنا!!  
ثم تضيف قائلة:

\_على فكرة "أستاذ إيهاب" قال أول ما تيجي تدخل بسرعة  
عنده!



لتجيبها "علا" بابتسامته هادئة:

\_طب تمام ..عن إذنكم يا شباب علشان أشوف النظام إيه!!

فتجيبها "نعم" بابتسامته مشجعة:

\_ربنا معاكى!

بينما يهتف "إسلام" بهتاف تشجيعي:

\_وراكي رجالة!!

و تبتسم "مي" ابتسامته رقيقة هاتفة:

\_إن شاء الله خير!

و يهتف "فارس" بجديته:

\_يلا إدخلي و طمنينا عليكى!

لتتنهد "علا" بصوت مسموع استعدادا لما هو آت هاتفة:

\_إن شاء الله ، عن إذنكم!

ثم تتركهم و تغادر ؛ متوجهة لمكتب رئيس التحرير!!

في مكتب رئيس التحرير،،،

تطرق "علا" باب المكتب عدة طرقات خفيفة منتظرة الإذن

بدلوفها للدخل!





ليتهف "إيهاب" من الداخل:

\_اتفضل!

لتدلف في ثقة و ابتسامة تحدى تعلو شفتيها ، و ما إن يرفع  
"إيهاب" نظره حتى تطالعه تلك المنتظرة واقفت أمامه!!

ليتهف "إيهاب" ناهضاً من فوق مقعده:

\_علا!!...كويس إنك متأخر تيش!!

لتتهف "علا" بتساؤل:

\_خير يا فندم؟!

ليتهف "إيهاب" جالساً بجديّة على مقعده:

\_رد فعل الشعب عنيف تجاه المقال و بالذات مع وجود الأوراق  
اللي تثبت التهمة!!

ثم أخذ نفساً عميقاً ليخرجه بتمهل قائلاً بجديّة:

\_أنتِ عارفتِ إنك زي بنتي بالضبط...و علشان كده لازم  
أقولك..خلي بالك من نفسك كويس جداً في الفترة الجاية

لحد ما نشوف الحياة هتمشي إزاي!

لتجيبه "علا" بابتسامة ثقة:



\_متقلّش يا فندم! ، و أصلاً إسمي الحركي هياخد منهم وقت  
لحد ما يفكروا يوصلوا ليا أو يأذوني حتى!..بس ثقتي فى ربنا  
كبيرة!!

ليهتف "إيهاب" بجديّة:

\_الأمر مايسامش برضو!...لازم تاخدي حذرک...لأن الحذر  
واجب برضو!!!

لتجيبه "علا" بهدوء:

\_الحذر واجب....بس كتر الحذر هيتحول لقلق..و القلق  
هيتحول لوهم و خوف من المجهول...و حضرتك قولت بإن  
الصحفي الجريء مفيش فى قاموسه كلمة خوف أو قلق!!!..

ليهتف "إيهاب" بفخر و اعتزاز:


\_أنتي صحافية شاطرة..و ليكي مستقبل ما شاء الله ، بس خلي  
بالک من نفسك...و بناءً على أوامر عمک..فأنتي في إجازة  
مفتوحة لحد ما الأمور تستقر!!

و ما إن تهمل بالاعتراض ، حتى ينهي "إيهاب" الحديث قائلاً:

\_مفيش أي اعتراض! ، و إتفضلي دلوقتي!

لتهتف "علا" بضيق:

\_بعد إذنک يا فندم!!



ثم تستدير مغادرة المكان بأكمله، والضيق يعترىها بسبب  
تدخل عمها... فهي ليست خائفة البتة!!

و ما الحياة إلا مغامرة تحتاج لكل ذرة شجاعة و تحدي مغموس  
بالجرأة في قدح الواقع، و ليس التقهقر و الخنوع خوفاً من  
المجهول!!!!

في شيلا فؤاد الهوارى،،،

تدلف "علا" إلى الداخل و معالم الضيق بادية على وجهها  
بوضوح شديد! ، لتقابل في طريقها زوجة عمها "مايسة"

لتهتف "مايسة" بحنو:

\_علا حبيبتي...يلا إطلعي حضري شنتك!!

لتهتف "علا" متسائلة بدهشة:


\_ليه يا خالتو؟!

فتجيبها "مايسة" بهدوء:

\_علشان كلنا هنسافر بكره!!

لتهتف "علا" متسائلة بدهشة أكبر:

\_هنسافر؟!!!!



شجاعة

ثم سرعان ما اتضحت الصورة أمامها! ، فعمها أصرّ على تلك الإجازة حتى يجعلها تهرب من المواجهة!! ؛ و لكنها ليست بجبانة أو خائفة من المواجهة! ، و ستظلّ هنا حتى تواجه مصيرها...فمنذ متى و هي تتهرب من الحقيقة!!؟

لتفريق من شرودها و تفكيرها على صوت زوجة عمها "مايسة" و هي تتسأل:

\_روحتي فين يا بنتي؟!\_

لتجيبها "علا" و قد أفاقت من شرودها:

\_ها...لا معاكي أهو يا خالتو!

ثم أضافت "علا" متسائلة:

\_هو عمو رجع من الشركة و لا لسه؟!\_

لتجيبها "مايسة" بهدوء:

\_هيرجع على الغدا بإذن الله ، يلا إطلعي جهزي شنطك

يلا...زمان "هاجر" خلصت توضىب شنطتها!!

لتهتف "علا" مصطنعة الاستسلام:

\_حاضر يا خالتو..عن إذن حضرتك!!!\_



ثم تغادر صاعدة لغرفتها ، و لا تمر دقيقتين من دلوها لداخل  
غرفتها حتى تجد باب غرفتها يُطرق ، ثم تدلف "هاجر"  
مبتسمة إبتسامة صافية و تهتف قائلة:

\_الجميلة سرحانة في إيه؟!

لتهتف "علا" مصطنعة الابتسام:

\_في ولا حاجة يا ست هاجر...تعالى إقعدى معايا شوية لحد  
ميعاد الغدا!!

لتهتف "هاجر" بتساؤل:

\_جهزتي شنطتك ولا لسه؟!

لتتحدث "علا" بضيق جلي هاتفت:

\_لا لسه!!!..

لتقترح "هاجر" بابتسامة صافية:

\_طب يلا أساعدك و نتكلم و إحنا بنجهز شنطتك!!

لتهتف "علا" مُستسلمة بانصياع:

\_يلا يا جوجو!

ثم تنهض و تجلب إحدى حقائبها الفارغة حتى تمأها بالملابس  
، و "هاجر" تزيد و ترغى و لكن "علا" بالها مشغول بإعداد  
خطة حتى لا تسافر!!!!







في اليوم التالي،،،

في شىلا أحمد الهوارى،،

يظل "أحمد" يتمشى في غرفة مكتبه بعصبية  
مفرطة...منتظر رنين هاتفه!!!

فكيف يستيقظ في الصباح و يكون متأهباً مع عائلته للسفر  
خارج البلاد؛ و إذ فجأة لا يجد تلك الـ"علا" في غرفتها!!!!  
و لكنه عوضاً عن ذلك وجد ورقة تضي بأنها لن تغادر معهم...و  
إن تلك الحرب تخصها وحدها ، و هي ليست معتادة على الهروب!  
، و حالما تصل لوجهتها...فسوف تحدث عمها!!!!...

و كلما قرأ "أحمد" تلك الورقة الغليظة مراراً و تكراراً كان  
يتضاعف غضبه و يتصاعد إلى عنان السماء ليتبخر كالماء  
المالح في وجود الشمس الحارقة؛ ، ثم يعاود النظر إلى هاتفه  
ولا يجده يصدر أي صوت...فكأنما تتكاثفت الأبخرة لتهطل  
أمطار غضبه و عصبية بشراسة!!!!

و ها هو على ذاك الحال منذ ما يقارب الأربع ساعات ، و ما زال  
منتظراً ذاك الاتصال السخيف!!!!...

ليتوقف فجأة في مكانه و يرهف السمع بشدة!

إنه يستمع لرنين ذاك الهاتف اللعين...و ما إن يستدير في اتجاه  
ذاك الهاتف ؛ حتى يتيقن من أنه بالفعل يصدر ذاك الرنين!!  
فيسرع بأقصى ما يمكن، ليخطفه بسرعة و يطالعه شاشته  
ليجد رقماً غريباً ، و لكن لا وقت للاستنتاج...فمن المؤكد  
بأنها تتصل من ذاك الرقم بعد أن عثر على شريحتها  
المكسورة في سلة القمامة المتواجدة بغرفتها!!!  
ليجيب بلهفة أبوية حقيقية و ما زال غضبه يتصاعد و يتصاعد  
ليصل به إلى حد الفوران هاتفاً بغضب و حنق و لهفة مختلطة  
بالعصبية:

\_السلام عليكم!!!!...

لتجيبه "علا" بهدوء و تأهب:

\_و عليكم السلام يا عمو.

ليتهف أحمد بعتاب أبوى ممزوج ببعض العصبية:


\_ينفع كده يا أستاذة....دي عاملتة عملها برضو؟!!

لتتهف "علا" محافظة على هدوئها:

\_أنا أسفرت يا عمو...بس حضرتك اللي إضطرتني أعمل كده!!

ليتهف "أحمد" محافظاً بصعوبة على رابطة جأشه:

\_أنت فين دلوقتي؟!





علا بجديّة:

\_أنا فى الإسكندرية و راحة الشقة!!

ليستنكر "أحمد" فعلتها بغضب أهوج و يهتف بجديّة مختلطة  
بالعصبية:

\_حسابنا بعدين ، ما تتحركيش من هناك خالص...مفهوم!!

لتتنهد "علا" مجيبة إياه بهدوء:

\_مفهوم يا عمو!

ليهدر "أحمد" بلهجة قاطعة حاسمة:

\_هجيلك مع السواق علشان نرجع مصر و نتحرك على المطار  
بسرعة!!

لتجيبه مسرعةً بجديّة:

\_أسفّة يا عمو...بس مش هختار أكون جبانة و أهرب من  
الموقف اللي أنا إختارته بإرادتي!!...

ليهتف "أحمد" مضيقاً عينيه بتساؤل:

\_تقصدي إيه يا بنت عبد الله؟؟؟

لتهتف "علا" بثقة:

\_أنا مش هسافر بره مصر يا عمو...إطلاقاً!



ليهدر "أحمد" ثانياً بعصبية مختلطة بالغضب:

\_يعنى كلامي مش هيتنفذ!!؟

لتهتف "علا" بخجل:

\_العضو يا عمو...بس.....

ليقاطعها عمها و قد حسم أمره:

\_دلوقتي هبعثلك "مايست" و "هاجر" ، و فى ظرف ٢٥ يوم هرجع

من فرنسا على إسكندرية..لأن الصفقة دي مهمة ، و هتفضلي

على اتصال معايا طول الوقت!!

لتصيح "علا" بسعادة:

\_و أنا موافقة يا عمو!

ليتنهد "أحمد" بجديّة هاتفاً:

\_يبقى اتفقنا....خلي بالك من نفسك ، لا إله إلا الله!!


لتجيبه "علا" بابتسامته:

\_حاضر...محمد رسول الله!

ثم يغلق عمها الهاتف ، و قد أبلغ ابنته و زوجته بما اتفق عليه

مع ابنه أخيه العنيدة "علا!!"

بعد مرور أسبوع،،،





تم بدأ الاستجواب و التحقيق في القضية التي شغلت الرأي العام من قبل النائب العام بذاته، و بالتالي تم فضح أسماء ذات مناصب عليا!..

و قد دامت تلك التحقيقات لمدة تزيد عن أسبوعين نظراً لإدانة عدد ليس بالهين؛ فمنهم من كان عضو بمجلس الشعب ، و لكن أساء استخدام منصبه ؛ فبدلاً من مراعاة مصالح الشعب... قام بنهب أموالهم واستغلال أمراضهم لصالح الجشع!!  
و منهم من كان ذو أسهم كثيرة في شركات قابضة عامة تشكل جزء ليس بالهين إطلاقاً من اقتصاد الدولة! ، و بعد مرور شهر تم تحديد موعد جلسة المحاكمة!!

و حينها دلفت "علا الهواري" إلى القاعة شامخة الرأس، و كأن ثقتها بذاتها لم تتحرك قيد أنملة واحدة بعدما حاولوا اغتيالها عقب اكتشافهم لاسمها الحقيقي ، فيحق الحق بأن اسمها الحركي لم يفدها سوى لبضعة أيام فقط لا غير!!!!!!...

Flash Back,

في ظل التحقيقات المستمرة تم كشف الاسم الحقيقي للصحافية التي قامت بالنش ورائ هؤلاء السفلة الذين لا يخشون لومة لائم في الباطل!! ، من يسرقون الشعب بدم جليدي دون مراعاة وجود الله أو ضميرهم!!

و حينها كان "أحمد الهواري" طلب من صديقه "عز الدين منصور" يبدأ تنفيذ مخططهم ، كما أخبره بالحذر التام من كشف ذاك الترتيب !!..

فطمئنه اللواء "عز الدين" بسريان المخطط كما تم التخطيط له ، و بأن الرائد «سليم» من أمهر رجاله حيث يثق به كما لو كان ابنه! ، مما دفع "أحمد" للاطمئنان و لو قليلاً!!

في الإسكندرية،،،

ما إن اقتربت "علا" على مشارف المنطقة التي تقطن بها بمدينة "عروس البحر المتوسط" و القريبة من البحر، حتى أخذت تبطئ من سرعة سيارتها تدريجياً، و صوت الأمواج الساحلية المختلطة برائحة اليود المنعشة تمتزج بالأفكار المتلاطمة برأسها؛ و كأنها في تصارع مستمر غير معلوم نهايته!!..

أيمكن أن تكون أخطاء، وتصرفت بأنانية رعناء في قرارها؟! ولكن مهلاً. فهي إن تهاونت و تعاملت باستخفاف أهوج مع قضيتها ، لربما أضاعت الحق و خذلت ضميرها الحر!! ، و ألم تقسم ذات يوم بأن تبذل قصارى جهدها لتبرز الحق بروز الشمس في كبد السماء؟!

لا يهمّ إن فقدت حياتها!!، فالأهم إن كانت ستفقدّها...فلتفقدّها شهيدة الحق الضائع، تفقدّها بروح معافرة...و ليس بروح متناقلة من الضمير المعذب!!!.....

و عند هذا الحد أوقفت سيل أفكارها بطريقة إجبارية، لتخرج من السيارة حاملة الحقيبة الخاصة بالحاسب المحمول و حقيبتها الشخصية ثم تدور حولها فتخرج حقيبتها المليئة بالملابس، و تلقى نظرة أخيرة حتى تتأكد من وجود كافة احتياجاتها قبل أن تطلق تنهيدة خافتة حاسمة و تتطلع إلى البناية الواقفة أسفلها ، ثم تأخذ نفساً عميقاً و تتوجه إلى داخلها و تدلف بالمصعد متوجهة لشقتها!!

في المساء،،،

استيقظت "علا" من النوم مساءً، و أخذت بعض الوقت لتستوعب بأنها تركت القاهرة هروباً من قيود عمها لحمايتها!

ثم أخذت تستقيم على فراشها و تجمع شعرها في ربطة واحدة بطريقة عشوائية و هي تتمطى في دعوة منها لاكتساب بعضاً من النشاط ، ثم بعد لحظات قليلة دلفت إلى المرحاض لتستحم و تتوضأ ، و بعد إن انتهت من صلاتها ، ارتدت فستان من اللون النبيتى المنقوش برسومات بسيطة و يعلوه حجاب من اللون ذاته

و حملت حقيبتها و تأكدت من وجود هاتفها و مفاتيحها ، ثم انطلقت خارجة...

في المول،،،

أخذت "علا" تتجول من مكان لآخر وهي تتبضع لتوفر ما ينقص من شقتها، لتنتهي جولتها بالعديد من الأكياس، و بينما هي تسير يصدر هاتفها الرنين إعلاناً عن اتصال من عمها، لتتوقف مكانها و تخرج هاتفها من حقيبتها الصغيرة.

علا بابتسامة صادقة:

\_السلام عليكم يا عمو

ليتهف "أحمد" بجديّة بالغة:

\_و عليكم السلام ، إيه الدوشة اللي جمبك دي؟؟

لتجيبه "علا" ببراءة:

\_أنا في المول...لقيت في حاجات ناقصة في الشقة فقولت أنزل أشتريها!!

ليتهف "أحمد" بعصبية:

\_و مش عارفة تستني لبكره لما تنزلي مع بنت عمك و مراته بدل ما تنزلي لوحداك و بليل كمان!!...





لتهتف "علا" بضيق:

\_يا عمو أنا في مكان عام...و بعدين لسه الساعة ٨!....

فيجيبها بضيق أهوج:

\_و لو كانت الساعة ٥ ، برضو تعرفيني يا بنتي...أنت لوحدة

دلوقتي..و أنا مرعوب عليك مش بس قلقان!

فترد "علا" بابتسامة:

خلاص يا عمو مش تزعل بقى...أنا مروحه أهو!!

ليتهتف "أحمد" بجديّة:

\_أول ما توصلي كلميني..فاهمة؟؟!

فتبتسم "علا" ابتسامة رائعة هاتفة:

\_حاضر يا عمو...لا إله إلا الله!

ليجيبها بدوره بهدوء:

\_محمد رسول الله!

ثم تغلق الخط و تضع هاتفها في حقيبتها و تستأنف سيرها

خارجة من المول باتجاه سيارتها لتركبها و تغادر.

تسير "علا" بسيارتها و لا تدري بأنها مُراقبة من قبل سيارة أخرى

للرائد «سليم» ، و الذي استلم مراقبتها منذ أمس ، بعد اطلاعه

على ملفها و التوصية الشديدة عليها من جهة مديره مباشرة ، و علم بالطبع كم هي متصلة الرأي و تتمسك بما تراه الصواب و الحق ، و لهذا فإن تلك المهمة مختلفة عما سبق أن تولى...فيكفى بأن تلك الفتاة لا تعلم بأنها مُراقبة لأجل حمايتها و إنقاذها من أي مخاطر من المحتمل أن تتعرض لها!!

و حين إقتربوا من مدخل الشارع الواسع الذي تقطن به تلك العنيدة ، إذ به يُسرع من قيادته متجاوزاً إياها بسرعة حتى يوقف سيارته في المكان المخصص لسيارتها!!

و ما إن رآها تقترب بسيارتها خلفه حتى نزل من سيارته ببطيء شديد و أغلقها إلكترونياً ، ثم أكمل سيره بخطوات أسرع قليلاً ، و تعمد ألا يلقي بالاً بصوت مكابح سيارتها و التي كادت أن تصطدم بمؤخرة سيارته!...

لتهبط "علا" من سيارتها بسرعة تجاه ذاك الشخص "سليم"  
علا منادية من خلفه بعصبية:

\_ أنت يا حضرة...أنت يا أستاذ...يا أفندي!!

ليستدير إليها ذاك الشخص مصطنعاً الدهشة و مشيراً بإصبعه لذاته:

\_ حضرتك بتناديني أنا؟!

علا في نفسها بغیظ:





"\_مال بنادي لخيالك يعني؟!"

و لكنها تتماسك و تصطنع الهدوء هاتفت:

\_أيوه بنادي حضرتك!..

ليجيبها سليم باستفزاز بارد:

\_طيب خير؟؟!

لتعدّ "علا" في سرها من الرقم (١ و حتى ٥) محاولة السيطرة على

عصبيتها من لامبالاته المستفزة و بروده الغبي!!

فتجز على أسنانها و تشير لسيارته هاتفت:

\_حضرتك ده المكان اللي بركن فيه عربيتي على طول!!

فيجيبها "سليم" ببرود:

\_أنا جاي من قبلك و المكان كان فاضي!!!

لترد بغضب أهوج:

\_حضرتك إتصرف...عاوزه أركن عربيتي و دلوقتي

كمان!!!!..

سليم بهدوء يثير الأعصاب:

\_طيب حاضر...بس بعد كده إبقى حطي لوحته بأن المكان

ده بتاعك!!..





علا في نفسها بعصبية حمقاء:

"هو بيتريق عليا؟! ، شايف نفسه على إيه البارد ده...يا بروده!!"

و لكنها تهتف بغیظ:

إتفضل...إتفضل يلا حضرتك انقل عربيتك...و المرة الجاية هبقى أخذ بالنصيحة و أحط عشر لوحات مش لوحة واحدة بس!!!!

ليجيبها بابتسامة ساخرة:

إن شاء الله...عن إذنك أنقل عربيتي!!

لتجيبه بدورها بغیظ:

و هو أنا ماسكتة حضرتك يعني...ما تروح تنقلها!!

سليم ناظراً بسخرية إليها:

حضرتك واقفتة جمب الباب...لو أنتي عاوزة تسوقها معنديش مانع!!

لتنظر "علا" إلى نفسها بإحراج شديد ، ثم تبتعد بتلقائية عن الباب لتفسح له المجال!!  
علا بغیظ:

إتفضل سوقها براحتك...و تاني مرة ما تركنش هنا خالص!!



سليم ببرود:

\_إن شاء الله..بس ماكنتش أعرف إن الركن  
بالحجز!!

علا بغيط أشد:

\_و أديك عرفت أهو...عن إذنك!!

ثم تستدير مغادرةً إلى سيارتها ، ليوقفها بكلامه الغليظ! ،  
فتضطر للإستدارة صوبه من جديد ، بينما يهتف سليم  
بإستفزاز:

\_طب مش نتعرف على الأقل ؟! ، حتى أبقي عارف أنا كنت  
هركن مكان مين!..

لتطالعه "علا" ناظرة إليه بتكبر:

\_لأ مش هنتعرف...و لا هنتجادل فى النقطة دي كمان!!

سليم رافعاً كتفيه علامة الإستسلام:

\_لأ عادي..براحتك جداً ، بالمناسبة دي أنا البش مهندس سليم  
راغب!!!

لتجيبه بتكبر شديد:

\_متشرفناش...عن إذنك!!!



ثم تتركه و تجلس فى سيارتها منتظرة أن يحرك سيارته  
لتنقل سيارتها مكانها!!

بينما "سليم" متسماً مكانه ، و النيران الهوجاء تشتعل بداخله  
من غيظه من تلك الفتاة ، و لكنه يتدارك نفسه و يرسم قناع  
البرود مجدداً على وجهه ، و يذهب إلى سيارته لينقلها من  
مكانها ، حتى تركن تلك المغرورة سيارتها مكانها!!!!

فى الصباح،،،

يرن جرس الباب بشكل مزعج للغاية ، ليجعلها تستيقظ من  
النوم بتأفف شديد و تسير كالمغيبية و بالكاد وضعت حجاب  
رأسها ؛ إلا أن هناك بعض الخصلات التى تمردت بالظهور!!

لتتأفف ثانياً من ذاك البغيض الذى يرن باستمرار ؛ و كأنها  
تقف خلف الباب مباشرة ، فيتملكها الغضب الشديد و لكنها  
تبدأ بالعدّ عسى أن يحد ذلك من نوبة غضبها المستعر!!...

علا من خلف الباب:

\_حالاااضر...دقيقة!!

ثم تعدل من وضعية حجابها ، و ما إن تفتح الباب حتى تطالعها  
إبتسامته ساخرة حضرت فى ذاكرتها منذ الأمس!

علا بغیظ و عصبية شديدة:

\_ ده أسلوب ناس متحضرة؟؟ ، بتخبط على الباب كده ليه؟؟! ،  
ترضى حد يعمل فيك كده؟؟! ، ثم أنت أصلاً عرفت إن دي  
شقتى منين؟؟! ، أنت جاي دلوقتى عاوز إيبىييه؟؟!....إنطق  
متعصبنيش!!!!..

ليجيبها "سليم" باستفزاز متعمد:

\_ طيب قوالب صباح الخير فى الأول!!

علا و تجز على أسنانها:

\_ صباح النور يا أستاذ...خير؟؟ ، عندي فضول قاتل أعرف سر  
الطلّة البهيّة بتاعة حضرتك دي!!!

ليبرز أمامها علبة بلاستيكية فارغة ، لترمقها بأعين متسائلّة  
ثم تطالعه مجدداً هاتفتاً بتساؤل أرعن:

\_ و إيه المطلوب؟!

ليجيبها بإبتسامة باردة:

\_ كنت عاوز ملح من عندك...الجار للجار برضو ، و الصبح  
ملاقتش ملح أعمل بيه الفطار!!!

لتنقل نظراتها ما بين العلبة البلاستيكية و إليه بتأفف شديد  
، ثم تخطفها من يده أمرة إياه بأن يظل مكانه ريثما تعود!

علا فى نفسها:



"و ذنب إيه ده بس يا ربى اللى بكفر عنه بوجود الكائن  
اللزج ده؟! ، الرحمة و المغفرة من عندك يا رب!!"

ثم تغادر إلى المطبخ حتى تملأ تلك العلبة بقليل من الملح ،  
بينما سليم يجول بنظره فى أنحاء الشقة فى محاولة سريعة منه  
لاكتشاف أى ثغرة قد تهدد حياة تلك المتهورا!

و لم يكّد يطيل النظر حتى وجدها أمامه تطالعه بنظرات  
غاضبة!!

سليم بابتسامة هادئة:

\_شكراً لحضرتك..و متأسف على الإزعاج!

لتجيبه "علا" بإخراج نوعاً ما:

\_حصل خير ، عن إذنك!!

ثم تغلق الباب سريعاً ، و تعود إلى غرفتها لتجلب حاسوبها ، فقد  
طار النوم من عينيها و الفضل لذاك اللزج بكل جدارة و  
إستحقاق!!!!..

فى المساء،،،

حضرت زوجة العم و ابنتها إلى البيت ليقطنوا معها مؤقتاً ريثما  
يأتى عمها !



www.hakawelkotob.com





لتتهف "هاجر" برجاء:

\_مامي أنا عاوزة أخرج!!! please ,

لتجيبها مایستة بجديتة:

\_مفیش خروج خالص و بالذات بليل!

لترد "هاجر" بتأفف:

\_أوف بقى...لا يا مامي...خلينا نخرج ، مش هنقعد فى Alex من

غير ما نخرج!!

لتجيبها "مايستة" بحزم و نظرة صارمة:

\_أنا قولت كلمتة و تتنفذ ، بكرة الصبح ممكن تخرجوا لمدة

ساعتين و بس!

لتضرب "هاجر" بأقدامها الأرض تعبيراً عن إمتعاضها:

\_ساعتين بس يا مامي؟!

لتجيبها "مايستة" بصرامة:

\_خلاص بلاش خروج أصلاً!!..

لترد "هاجر" مسرعةً برجاء:

\_لألاً ، ساعتين كويسين جداً!!

لتتهف "مايستة" بتساؤل:



\_مالك ساكتة ليه يا علا؟!

لتجيبها "علا" بإحراج:

\_أنا أسفرت يا خالتو ، أنا بوظت ليكم كل خططكم علشان  
تسافروا بره!!

فتجيبها "مايسة" بجديّة:

\_متأسفيش ولا حاجة...إسكندرية متفرقش حاجة عن بلاد  
بره ، عمك بس عنده شغل هيخلصه و يرجع بسرعة!

علا بإبتسامّة:

\_إن شاء الله!

لتتسائل "هاجر" بمرح:

\_حد هيشرب معايا شاي؟!

لتجيبها "مايسة" بهدوء:

\_إعملي ليا معاكي!

بينما ترد "علا" بكسل:

\_طب أنا هدخل أنا هبقى علشان هنزل بكره الصبح بدري في  
جولتة بدل القعدة كده!!

لترد "مايسة" بتحذير:

هتعرفيني كل الأماكن اللى هتروحىها و الوقت اللى هتقضيه  
بالضبط!!!

لتجيبها "علا" متنهدة:

حاضر يا خالتو...تصبحي على خير

فتجيبها "مايست" بدورها باسمته:

و أنت من أهله يا حبيبتي.


فى اليوم التالى،،،

إستيقظت "علا" على صوت المنبه فى تمام السابعة صباحاً ،  
لتنمطع بذراعيها فى الهواء كمحاولت لبث النشاط بها و نبذ  
الخمول ، و ما إن إستعادت جزء من نشاطها حتى دلفت إلى  
المرحاض لتستحم و تتوضئ!

و ما إن إنتهت حتى إرتدت كامل ملابسها و المكونة من جيب  
أسود اللون و يعلوها قميص جينز من اللون الأزرق الفاتح و طرحة  
من اللون الأزرق ، و قامت بأداء فرضها و عقلها ما زال مشغولاً  
بأفكاره التسونامية!!!

لتخرج من غرفتها ، فتذكي أنفها برائحة الفطور الشهي الذى  
أعدده "مايست"

فتهتف "علا" بإبتسامته:





\_صباح الخير يا خالتو

فتجيبها "مايسة" مبتسمة:

\_صباح النور يا حبيبتي...يلا صحي الكسولة علشان نفطر  
كلنا!

فتجيبها "علا" مبتسمة:

\_حاضر.

ثم تغادر إلى غرفة "هاجر" كي توقظها من النوم ، و ما إن أتمت  
مهمتها حتى سبقتها "علا" إلى مائدة الفطور!!

لتهتف "هاجر" متثابرة:

\_صباح الخير عليكم

فتجيبها "مايسة" بإبتسامته صافية:

\_صباح النور يا جوجو

بينما ترد "علا" مبتسمة:

\_أخيراً صحيتي...يلا تعالي نفطر

لتنظر "هاجر" إلى الطعام بشهية هاتفة:

\_الله...يلا بسم الله الرحمن الرحيم

ليبدأ الجميع فى تناول الفطور!!



و بعد أن أنهوا فطورهم و أثناء جمعهم للأطباق ، أخبرتهم "علا"  
بنيتها للخروج

"علا" بابتسامته:

\_ أنا هخرج بقي شوية!

لتجيبها "مايسة" متسائلة بامتعاض:

\_ هتروحي فين و هتقعدي قد إيه؟؟!

فترد "علا" بضيق:

\_ يا خالتو أنا مش صغيرة!! ، و بعدين إحنا الصبح أهو و مفيش

خوف ، و مليش مكان محدد هتقيد بيه!!!

لتجيبها "مايسة" بإصرار:

\_ كلمي عمك الأول...و لو وافق هخليكي تنزلي ، أنتي

مسئولية!!!..

فترد "علا" بهدوء:

\_ تمام يا خالتو

ثم تخرج هاتفها من حقيبتها و تتصل بعمها دون مراعاة فرق

التوقيت!



و ما إن أجاب بعد فترة حتى سمح لها على مضض بأن تخرج و لكن برفقة "هاجر" ، فلم تجد بداً من الموافقة حتى تخرج!!!..

في سيارة علا،،،

كانت علا تسير بسرعة متوسطة و هي ترتب بذهنها الأماكن التي تود زيارتها إلى أن قاطع تفكيرها صوت "هاجر" الهاتف بتساؤل:

\_ها يا لولا...هنروح فين بقي؟!

فتجيبها "علا" بإبتسامة خفيفة:

\_أنتي عاوزه تروحي فين؟؟

فتجيبها "هاجر" بتفكير:

\_إمهمم أكيد قلعة قايتباي و البحر و أي أماكن تانية بقي على ذوقك!

فتجيبها "علا" مبتسمة و هي تزيد من سرعة السيارة:

\_اتفقنا!!!!!!...

و لم تلاحظ السيارة المتتبعه لها منذ هبوطها من شقتها!





فى مقهى صغير مظل على البحر،،،

تجلس "علا" و بجوارها "هاجر" ، بعد أن أنهكوا أنفسهم  
بالتجول كثيراً فى الأنحاء!

هتفت "هاجر" بتعب جلي:

\_ياااااه رجلى وجعتنى ، بس كانت فسحة حلوة بجد!  
علا مبتسمة:

\_ولسه بكره كمان يا ستى!

لترفع "هاجر" كتفيها باستسلام هاتفة:

\_لا كفاية عليا كده أوى ، لما نروح هقنع ماما نخرج بليل  
أجمل بكتير من الصبح و الشمس!!

فترفع "علا" أحد حاجبيها هاتفة باستنكار:

\_براحتك يا جوجو ، يلا بقى هتشربي إيبويه؟!

فتجيبها "هاجر" مبتسمة:

\_هوت شوكليت!

لترد عليها مبتسمة هى الأخرى هاتفة:

\_و أنا زيک يا ستى!!

ثم يقضون وقتاً لذيذاً لطيفاً و هم يرتشفون تلك المشروبات الساخنة ، إلى أن يغادرا بعد مرور بعض الوقت!


في اليوم التالي،،،

ذهبت "علا" بمفردها إلى ذاك المقهى المطل على البحر ، بعد أن أعلنت "هاجر" رغبتها في الخروج مساءً فوافقت والدتها على مضض!!

و قد اتفقت "علا" مع عمها بخروجها صباحاً و برغم استغرابها من موافقته بدون جدال طويل كالمعتاد. إلا أنها لم تلق بالاً ، و إكتفت باستمتاعها بالوقت و بتصوير الأماكن التي تجذبها كنوع من الذكرى الجميلة باستخدام الكاميرا الحديثة التي ابتاعها مؤخراً!!

و استمر الحال هكذا لعدة أيام ، بحيث تستيقظ "علا" مبكراً و بعد تناولها الفطور تخرج لتتمشى بجوار البحر ، ثم تأخذ استراحتها في ذاك المقهى بحيث اختارت لنفسها مقعد في ركن منعزل إلى حد ما ، و حيناً تعمل على حاسوبها و حيناً أخرى تقرأ في كتاب ما ، و التفكير لا يبارح عقلها فيما وصلت إليه من إنجازات و ما ترتب عليها من مخاطر!!!

بعد مرور يومين،،،





و بينما هي جالسة في ذاك المقهى في ركنها شبه المنعزل  
المفضل ، إذ فجأة يخيم عليها ظلّ و ما إن ترفع عينيها لترى  
ذاك المتطفل ، حتى تحملق بشدة ؛ لأنه لم يكن سوى ذاك  
الجار المزعج للغاية و الكائن اللزج "سليم" ، فتظهر امتعاضها  
بوضوح ، و هي تبادله نظرات الاستفهام دون النطق بها ، و ما إن  
يقرأ تلك الأسئلة حتى يتجاهل الرد عليها ببرود!!!

فيهتف "سليم" بابتسامة باردة:

\_صباح الخير

لتكتف "علا" ذراعيها أمام صدرها و تبدأ في الرد ببرود أشد:

\_صباح النور

لتلاحظ بأنه بدأ يسحب كرسيّاً ليجلس ، فتباغته بالهجوم بعد  
أن تلاشى قناع البرود من على ملامحها هاتفت:

\_أنا ماسمحتش لحضرتك علشان تقعد معايا ، و كمان  
المفروض من أصول الذوقيات إنك تستأذن...بس ما علينا من ده  
كله ، و إتفضل حضرتك من هنا لو سمحت!...

ليجيبها سليم بابتسامة هادئة و كأنها لم تقل شيئاً:

\_تسمحيلي أقعد معاكى؟!!

لتهتف "علا" بغیظ حاولت إخفائه و لكنها فشلت فشل ذريع:



\_ليه هسمح لحضرتك تقعد أصلاً؟؟!!

ليجيبها "سليم" بدوره بهدوء:

\_حاجب نتعرف بصراحة!!

فتجيبه "علا" بعصبية و تهكم:

\_ليه هو أنا مكتوب على وشي جروب أبو نواف للتعارف

الجاد؟؟!!...إتفضل حضرتك بهدوء من قدامي!

فيرد عليها "سليم" بهدوء:

\_أنا عرفتك بنفسي قبل كده...بس الظاهر إن ده مش

كفاية!!!

فترفع "علا" أحد حاجبيها دلالة التعجب من أمره:

\_تقصد إيه؟؟!

فيخرج "سليم" الهوية الشخصية الخاصة به و يضع إياها على

المنضدة أمامها هاتفاً:

\_أعتقد ده إثبات رسمي بإنني البشمةهندس "سليم راغب!!!"

لتجيبه "علا" و ما زالت في طور رغبتها بالإنقضاء عليه:

\_أظن إن المكان فاضي و تقدر تقعد في أي ركن ثاني!!

فيجيبها "سليم" بابتسامة جذابة هاتفاً:

\_أصل حبيب أناقشك فى الكتاب اللى كنتي بتقرأيه إمبراح  
، واضح جداً إنك شخصية مثقفة!

فتجيبه "علا" بهدوء مصطنع:

\_طيب إتفضل إقعد!!

فيجيبها "سليم" بابتسامة انتصار هاتفاً:

\_مش كان من الأول!

فترد عليه "علا" بابتسامة صفراء هاتفاً:

\_حصل خير...حضرتك تشرب إيه؟!

ليرسم "سليم" قناع الهدوء على ملامحه ، و لكن فى داخله عدة  
تساؤلات:

\_قهوة مضبوطة!!

لتشير "علا" على الفور إلى أحد الندلاء ، و الذى أتى على الفور!

فتهتف "علا" بابتسامة مُتقنة الهدوء:

\_فنجان قهوة مضبوطة لو سمحت!

ليجيبها النادل منسحباً بهدوء:

\_تحت أمرك يا فندم!



فتستدير "علا" باتجاه ذاك الكائن اللزج "سليم" و تحاول أن  
تستشف ما يريده من تفسير تعابير وجهه ، و لكن تبأ...فهو  
يبدو ذو قناع حصين ، و لكن حسناً!!

فتتسائل "علا" بهدوء:

\_حضرتك كنت بتقول عاوز تناقشني في كتاب...مضبوط؟!  
ليجبها "سليم" بابتسامة رزينة:

\_مضبوط!

فترد "علا" بدورها عليه بهدوء متمرس هاتفت:

\_إمممم...بس ده معناه إني متراقبة بقى!!

ليقهقه "سليم" عالياً ، و كأنها ألقت عليه دعابة شديدة  
الفكاهة ، مما يثير حنقها أكثر و أكثر!!

لتهتف "علا" بضيق مكبوت:

\_ما قولتش حاجة تضحك يا بشمهندس!!...

ليحاول التوقف عن القهقهة قائلاً:

\_كلامك شبه مضبوط....و أحييكي على ذكائك!

لتهتف "علا" بتساؤل محنك:





\_إمممم مش مهم نتائج تفاصيل مراقبتي إيه! ، بس المهم  
دلوقتي إني أفهم حضرتك بتحجج بمناقشة كتاب ليه؟! ،  
أظن ليك غرض تاني!!!

ليبتسم "سليم" ابتسامته هادئة نوعاً ما و يهتف:

\_مش موضوع غرض تاني زي ما أنتي متصورة....كل ما فى الأمر  
، كنت حابب أشكرك على الملح!!!

"علا" رافعة أحد حاجبها بتهكم قائلة:

\_إمممم...طب العضو!

ليميل "سليم" للامام قليلاً بإتجاهها ، و يهتف بنبرة ذات مغزى:

\_تعرفي إني حاسس بهالة من الفضول حواليكى!!

لتهتف "علا" بدورها متسائلة:

\_هالة من الفضول؟!!!

ثم أردفت بهدوء متمرس:

\_و لو فرضاً إني كده..فده مش موضوعنا دلوقتي..أفضل إن

حضرتك تناقشني فى الكتاب و ننتهى!

ليجيبها "سليم" ببرود:

\_مفيش مانع! ، بس لازم أرضي فضولي تجاه الغموض اللى بحسه

حواليكى..ده حتى إسمك مش عارفه!





ثم أردف بتحدي:

\_و كأنك بتتهربي من حاجة و خايضة لحد يعرفك!!

لتجيبه "علا" بهدوء مصطنع و تحدي:

\_أحب أوضح لحضرتك إن مفيش غموض ولا حاجة...كل ما  
فى الأمر إنى فى إجازة من شغلي ، و بقضي الوقت ده مع عيلتي...و  
بالنسبة لإسمي فهو علا عبد الله! و.....

ليقاطع استرسالها فى الحديث هو قدوم القهوة ، و ما إن يغادر  
النادل بعد وضعه للقهوة ؛ حتى تأخذ نفساً عميقاً و تستأنف  
كلامها بهدوء أشد!!

لتضيف بهدوء أشد:

\_و لا يمكن أخاف من حاجة لدرجة إنى أهرب...أظن كده  
أبقى راضيت فضول حضرتك بدرجة ممتازة ، و إتفضل إشرب  
قهوتك قبل ما تبرد!

ثم أردفت ببرود شديد و هى تنهض:

\_عن إذنك!

ثم دون أى كلمة أخرى جمعت محتوياتها ، و إنتهى الموقف بأن  
إرتدت نظارتها الشمسية و إنطلقت مغادرة بشموخ ممزوج  
بالتحدي ، تاركة إياه و نظرات الإستمتاع تشتعل بعينيه!!..



فى المساء،،،

خرجت "علا" إلى التنزه قليلاً و أيضاً للتسوق محاولتة إيجاد ما يلهي تفكيرها عن مصير القضية الآن ، حيث أخبرتها زميلتها "نغم" بتحديد موعد الجلسة الأولى ، كما أنها كانت تتابع الأخبار من خلال حاسوبها باستمرار...كم تود الآن التواجد فى القاهرة حتى تشهد على ذل أولئك الحيتان ، إنه الشعور بنشوة الانتصار حين يتسنى للمرء بأن يكون سبباً فى اضمحلال الشر و لو كان جزءً يسيراً..فمن هنا تبدأ الثورة ضد الفساد شيئاً فشيئاً!!!..

لتهتف "علا" بتفكير فى ذاتها:

"ياااه..نفسى دلوقتى أكون فى القاهرة...حاستة بنشوة و أنا شايفة إني سبب من ضمن الأسباب بعد إرادة ربنا طبعاً بأني أشوف الكلاب دول بيتمرطوا ما بين التحقيقات و النوم على البورش...و لو إني ما أعتقدش إنهم نايمين على البورش و البركة فى المحسوبية برضو ، بس قريب بإذن الله هيعرفوا البورش و كل الحشرات اللي فى السجن بإذن الله لما أبعت نسخ الجزء التانى من صفقة الأدوية المشبوهة الأخيرة"!!!!

و لم تنتبه أثناء شرودها بأنها اصطدمت بشخص ما و كادت أن تقع لولا أن استندت فى اللحظة الأخيرة على الحائط خلفها ، و ما إن رفعت وجهها لترى ذاك الذي كانت أن تصطدم به حتى

تمتعض تلقائياً..فهى بالطبع أمام ذاك الكائن اللزج "سليم" ،  
و الذى و لأول مرة يطالعها بامتعاض مماثل هاتفاً:

\_الناس و هى ماشية بتأخذ بالها من اللى قدامهم...مش بيمشوا  
زى القطر كده!

لتجيبه "علا" ببرود محنك:

\_حصل خير..أسفـة ، عن إذنك!

سليم مانعاً إياها من التحرك:

\_و بالسهولـة دى هسيبك تمشي؟!!

لتجيبه "علا" بهدوء مصطنع:

\_أظن مفيش داعي إننا نعليّ صوتنا فى مكان عام و نتعامل  
بطريقة همجية!!..

سليم مصطنعاً التفكير:

\_إمهم طريقة همجية!!

لترد عليه ببرود:

\_أه طريقة همجية...و لو سمحت وسع من طريقي علشان أمشي!

ثم أردفت بتهديد مبطن:

\_و إياك...ألمح خيال سيادتـك فى أي مكان أكون فيه...و أظن

كفاية بقى لحد كده!





ليطالعهـا "سليم" بابتسامته هادئة و كأنه لم يسمع شيئاً:

ـإتفضلي إمشي!

ثم دون أدنى كلمة أخرى ، غادر "سليم" مبتعداً و هو يطلق صغيراً خافتاً ، لتطلق "علا" شتيمته في سرها و قد بدأ ذاك الكائن يزعجها حتى كادت تشك في أمره و بأنه يعلم هويتها الحقيقية...و لكن حسناً فإن كان يعلمها فهي لا تهاب شيئاً سوى ربها!

في سيارة "علا"،،،

ما إن استقلت سيارتها ، و حاولت تدوير المحرك حتى باءت كل محاولاتها بالفشل الذريع!!...

لتهتف "علا" بتأفف و امتعاض شديدتين:

ـأووووف بقى...دوري يلا دوري بقى...مش بتدوري ليبييه؟! ، يا دي الحظ اللى مش لطيف خالص..أووف!!

ثم تبحث داخل حقيبتها عن هاتفها ، لتجده لسوء حظها فاصل شحن ، و بالتالي لا توجد أي طريقة لتطلب بها المساعدة!

لتنظر إلى هاتفها بغضب شديد و كأنه أحد الأشرار و هى على وشك لكمه و بقوة ساحقة و كأنه ألد أعدائها هاتفاً بغضب:

\_كنت ناقصة إنك تفصل شحن دلوقتي...قولي أتصرف إزاي  
دلوقتي يا أستاذ فون...ما هو الوقت إتأخر ، و لو عمو اتصل و  
لقى سعادتك مقفول هيطربق الدنيا فوق رأسي و بالذات لأنى  
صممت ما أخدم هاجر معايا و أنا نازلة!

ثم رفعت بصرها إلى السماء من خلال الزجاج الأمامي لسيارتها و  
هتفت بنبرة أشبه للبكاء و ممزوجة بالتمني و الدعاء:

\_يا رب أعمل إيه دلوقتي؟ ، أنا محتاجة أي مساعدة ضروري!!..

و لم تكد تنتهى من كلامها حتى سمعت صوت مزمار سيارة  
سوداء خلفها و كأنها تلبى استغاثتها الصامتة!

فتهتف "علا" فى نفسها بسعادة:

\_فى حد هيساعدني...شكراً جداً يا ربي!

و بعد أن أنهت كلماتها البسيطة حتى استمعت لطرقات رزينة  
على زجاج سيارتها ، و ما إن التفتت بوجهها حتى طالعها وجه  
"سليم" ، لتمد يدها بهدوء مصطنع لتفتح ذاك الزجاج و  
تهاتفه حين سألها بهدوء قاتل!

\_واقضه ليه؟؟ ، فى مشكلته؟!

لتهتف "علا" فى نفسها:

"\_المشكلة فى إن وجودك بيعصبنى...بس مضطرة أستغلك

و أمرى لله!!"



ثم تداركت نفسها سريعاً لتجاوب على سؤاله هاتفياً بضيق:

\_العربية مش راضية تدور خالص!!

فيهاتف "سليم" بجديّة:

\_طب افتحي الكابوت كده!

فترد بهدوء و استسلام رقيق:

\_ماشي!

و ما إن قامت بفتحه حتى تابعت بنظرها تحركه صوب مقدمة السيارة و فحصه إياها و كأنه جراح متخصص و يدرس حالة ما ، لتهبط من سيارتها و تتوجه إليه هاتفاً بتساؤل:

\_عرفت فيها إيه؟؟

ليظل "سليم" متحفصاً السيارة بدقّة ولا يلتفت إليها ، ثم يتنهد بضيق هاتفاً:

\_إظهار البطارية خلصت!

لتمتعض على الفور هاتفاً:

\_مش وقتها خالص!...طب و العمل إيه؟؟

سليم بجديّة:

\_مفيش قدامك دلوقتي غير حليين إثنين لا غير!!



www.hakawelkotob.com

لتسأله بلهفة:

\_إيه هما؟؟؟!

ليجيبها بهدوء و متابعاً لتعابير وجهها:

\_الأول إنك تسيبي العربية بتاعتك هنا و الصبح تكلمي أي ورشة تبعت حد يضبط بطارتيتها و تيجي معايا!

ليلمح نظرات التمرد على ملامحها ، و هو ما قد استنتجه قبل أن تتحدث من الأساس ، فيردف بجديّة:

\_و ده أنا ما أفضلوش طبعاً!

لتندهش من رده ، فهي تظن بأنه يتصيد الفرص حتى يحدثها و يفرض نفسه عليها ، ليظهر العبوس على محياها متسائلة بضيق أشد:

\_طب و الحل الثاني إيه؟

ليتنهد بعمق مجيباً إياها:

\_أنا معايا حبل و هربطه فى عربيتك و أنتي إفضلي فى عربيتك لحد ما نوصل للبيت!

لتجيبه باسمته بهدوء:

\_تمام..الحل ده مضبوط جداً و عجبني!

ليبتسم بدوره ابتسامة ساخرة:



www.hakawelkotob.com





\_طب الحمد لله إنه عجبك حاجة!!

لتندهش من رده الغليظ ، و تحدث نفسها قائلة:

\_كائن لزج و وقح كمان!!

بينما يذهب "سليم" لمؤخرة سيارته دون انتظار لردها ، ليجلب الحبل و يتم مهمته في سبع دقائق ، و بعد أن انتهى أخبرها بمنتهى البرود و كأنه يعلمها بأنه الأفضل منها بتصرفه الأخلاقي هذا:

\_هنمشي دلوقتي و فى خلال نص ساعة هنكون وصلنا ، و بالنسبة للعربية هكلم ورشة تبعت حد بكره يصلحها من تحت بيتك!

ثم انصرف مجدداً دون أن يدع لها الفرصة لمناقشته ، و كأنه يلقي عليها أوامره و ما عليها سوى الانصياع!!!..

و ما إن وصلوا أسفل البناية التي تقطنها "علا" حتى هبط من سيارته مسرعاً ، و قام بفضك ذاك الحبل بهدوء متمرس و كأنه معتاد على إنجاز الأمور بسرعة بديهية ، ثم ذهب باتجاهها!

بينما أخذت "علا" تجمع الأشياء التي ابتاعتها و هي تهيئ ذاتها لشكره مصطنعة ابتسامته شاكرة صنيعة على ملامحها ، و قبل أن يتسنى لها الخروج من سيارتها لتفعل ما هيأت عقلها لأدائه



طوال الطريق ، فإذا به يقترب من سيارتها و ينخفض باتجاه الشباك متحدثاً بهدوء مقيت:

\_من بكرة الورشة هتبعك ميكانيكي...عن إذنك!


نعم لقد تركها مذهولت...فهل يمكن أن تكون أخطأت بحقه ، و أن جميع مقابلتهم كانت صدف بحتة؟! ، و لكنها دائماً ما تجده أمامها..ألا يكون الأمر مدبراً و تكن خطة مُحكمة الذكاء ، لا لا لا لن تقع في ذاك الفخ!!

فإن فعلت...فلقد أهانت شرف مهنتها ، و لكن سيتحم عليها شكره إذا ما تلاقيا مجدداً ، و غير ذلك لن يفلح الأمر!...

في شقة "سليم"،،،

بينما كان يتابع صعودها درجات المدخل الأولى حاملت مشترياتها ، كان يخطط لخطواته القادمة ، فنظام الأمر المرتب و كونه دائماً ما يعترض طريقها و يفرض وجوده عليها لن يجدي نفعه!!

الآن فقط تأكد من إنها صحافية ذات صيت ليس من فراغ ، صيتها صنعته بذكائها و تفكيرها ، لم تصطنع شخصيتها و إنما فرضت شخصيتها و أسلوبها على مهنتها ، فاستحقت ما نالته



من تقدير..و يكفي مغامراتها الجريئة ، و لهذا سينتقل  
للخطة"ب!!!!!!....."

بعد مرور يومين،،،

ذهبت "علا" إلى إحدى المكتبات لتري بعض الكتب التي  
تحتاجها ، بالإضافة إلى أنها ستقابل زميلها "فارس" لتسلمه باقي  
الأوراق في سرية تامة و التي كانت بحوزتها نظراً لخطورتها  
البحثة!

و بعد أن رأت فارس و اتجهت إليه سريعاً و هي ترسم ابتسامته  
بسيطة على شفتيها:

\_حمد لله على السلامة..إيه الأخبار؟؟

ليبادلها فارس الابتسامته قائلاً بهدوء:

\_الله يسلمك ، كله تمام..المهم فين الأوراق؟!!

لتفتح "علا" حقيبتها الجلدية و تخرج منها عدة ملفات ورقية ،  
و تمد يديها إليه هاتفة:

\_تفضل...و يا رب نلحق الطبعة الثانية!!

ليبتسم "فارس" بظفر هاتفاً بحماسة شديدة:

\_اعتبريه حصل ، بعد إذنك.

لتجيبه بجديته:

\_إتفضل...و أنا هكلم أستاذ "إيهاب" و أكد عليه نشرهم في  
الطبعة الثانية!!

ليجيبها بعملية بحث:

\_و هو كذلك..السلام عليكم!

و يستدير مغادراً إياها فيما ترد عليه السلام ، ثم تعود لتتصفح  
أرجاء المكتبة لرؤية آخر الإصدارات الأدبية المتباينة!!

و بينما هي تسير متجولة بين الرفوف..إذ بها تلمح "سليم" و هو  
يعطيها ظهره و يبدو أنه مستغرق في البحث و التأمل العميق  
لتلك الكتب!!

و كادت أن تغادر ما إن لمحته دون أن يلمحها هو ، و قد سيطر  
عليها ذاك الهاجس مجدداً بأنه يعتمد التواجد بطريقها و  
عرقلتها! ، و قبل أن تتابع تفكيرها ذاك و تستمر في  
شرودها..لمحت أمينة المكتبة و هي تقترب منه مبتسمة  
قائلة:

\_دي الكتب اللي حضرتك طلبتها من أسبوع و جت إمبرح!  
ليلتفت "سليم" إليها و منظره يوحي بالهدوء التام و الإسترخاء  
، فهو يراعي وجود تلك الشجاعة الصغيرة و مراقبتها إياه و  
لكنه إصطنع عدم رؤيتها بتاتاً ، فخطته في سبيلها للنجاح!!



فيمدّ يده أخذاً تلك الكتب من الأمانة مبتسماً نصف ابتسامته  
لمجرد المجاملة ليس إلا هاتفاً:

\_شكراً لحضرتك!

لتهتف الأمانة و هي بدورها مبتسمة:

\_العضو يا فندم ، ده شغلي!!

ثم تغادر من حيث أتت ، فيعود "سليم" لمطالعة الكتب مجدداً  
واعياً لحدقتي "علا" المتسعتين لاستيعاب أنه لا يراقبها كما  
اعتقدت بمخيلتها الخصبية!

(وها هي قد ابتعلت الطعم بسذاجة تخالف مبادئ مهنتها!!!)  
هكذا حدث "سليم" نفسه مطلقاً صغيراً عذباً ، فتفريق "علا"  
من صدمتها و قد شعرت بالخطأ الفادح في حقها ، فهو بالفعل  
كان يريد مناقشتها في ذاك الكتاب يوم قابلها في المقهى!!  
لتستدرك بأنها لم تشكره بعد على فعلته المغموسة بنبل  
مروءته ، فتأخذ نضاً عميقاً و هي تتقدم صوبه ، خجلة من  
تفكيرها المشين!! ، و لكن من أين لها أن تدرى حسن نواياه ،  
فتقاطع سيل تفكيرها ناطقاً باندفاع أحمر:

\_شكراً يا بشمهندس!



ليستدير إليها بغتةً و هو يصطنع الدهشة العميقة و التي  
سرعان ما تختفي و يحل محلها البرود ، فيبدو ساكناً الملامح ،  
متعمداً أن تلاحظ ذاك التغيير على ملامحه ، ليهتف بجمود:  
\_العضو!..

ثم يستدير مجدداً لتأمله لتلك الكتب اللعينة ، فتغتاظ  
أكثر و أكثر من رد فعله اللامبالي ، ياله من كائن بارد جلف  
و صلف في ذاته.. و لكن هذا كله يؤكد أنها أغضبتة بقسوة  
، و إنه أعد ذاته مسبقاً لتجاهلها و تجنبها مثلما يتجنب المرض  
الخبيث!! ، فتتهتف بغیظ و نفاذ صبر:

\_على فكرة أنا بكلم حضرتك ، و المفروض تبصلي!  
ليلتفت إليها مجدداً عاقداً ذراعيه على صدره و وجهه جامد لا  
ينبأ بما يعتلي بداخله ، و يجفلها بنبرة صقعية باردة:  
\_إتفضلي إتكلمي...أنا سامعك!

تبأ..فهي لن تدع ارتباكها يسيطر عليها ، و إنما ستعتمد إلى إلقاء  
تعويذتها الخاصة فتستحوذ شخصية الصحافية الشجاعة على  
كيانها في التو و اللحظة ، و ترسم ابتسامته واثقة ، هادئة  
نوعاً ما على ملامحها هاتفة:

\_حببت أقولك شكراً على اللي عملته إمبراح!



www.hakawelkotob.com

جموده يزداد أكثر فأكثر و لا يهمس حتى ، فيدفعها  
للاعتراف قائلة:

\_أنا...بعذر عن ظني فيك سابقاً!

ليقاطعها متحدثاً تلك اللحظة ببرود جم:

\_ولا يهمك!

تباً..تباً..تباً له فهو لا يساعدها البتة ، و الآن لم تجد بداً من  
التطوع بالكلام ، فتبالب شفيتها ببطء بطرف لسانها و تبتلع  
ريقها في محاولة فاشلة منها للثبات و إخفاء ترددها و ارتباكها  
المثير للشقفة قليلاً:

\_هو أنت بتدور على حاجة معينة للقراية؟؟!

ليجيبها بهدوء جليدي إعتادته منه منذ آخر لقاء:

\_بدور على كتاب (.....) ، بس للأسف مش لاقية هنا!

حسناً...لقد خدمها القدر ، فتبتسم بتلقائية هاتفة بحماسة:

\_الكتاب ده عندي..الكتاب بجد فوق الوصف!

ليبتسم و أخيراً و كأنه راف بحالها ليبدو وسيماً بطريقة  
مهلكة في تلك اللحظة ، جذاباً بطريقة ساحقة و هو يهتف  
بنبرة مدهوشة مصطنعة:

\_بجد؟؟؟!

لتجيبه على الفور بدورها بتلقائية بحتة ، و هى توما برأسها  
بابتسامته خفيفة:

\_أيوه بجد!..

ثم أردفت و هى تشع حماسة قائلته:

\_أنت ممكن تستعيـره مني ، لو كنت حابب يعني!

ليبتسم تلك الابتسامـة الساحقة مرة أخرى هاتفاً:

\_لو معندكيش أي مانع..فأنا حابب أستعير الكتاب منك!

لتكال السعادة وجهها و تهتف متسائلة:

\_تمام ، هجيبه ليك بكره الساعة ١١ في الكافيه..يناسبك  
الميعاد ده يا بشمهندس؟!

ليعترض قائلاً بابتسامته اعتذار حقيقية:

\_خليها بعد بكره في نفس الميعاد ، لأن ورايا شغل مهم بكره!

لتجيبه بابتسامته صغيرة:

\_تمام مفيش مشكلته ، عن إذنك.

ليبتسم بهدوء ابتسامته المعهودة ماداً يده علامة الموافقة على  
مغادرتها هاتفاً:

\_اتفضلي!





فتغادر المكان ، بينما ابتسامته ظفر واسعة شقت طريقها لتتوج  
ملامحه أكثر و أكثر ، هاتفاً في نفسه:

\_كده الأمور هتتضبط أكثر من الأول بإذن الله!!..

بينما "علا" تحدث ذاتها قائلةً:

\_هو اللي عملته ده صح؟؟ ، بس أنا فعلاً كنت غلطانة لما

شكيت فيه ، كفاية توتري بسبب الأوراق دي!

ثم تهاتف رئيسها "إيهاب" لتؤكد عليه رغبتها بأن تلحق

الطبعة الثانية من النشر ، فيوافقها بشدة!!

في المقهى،،،

بعد مرور يومين ، دلفت "علا" بهدوء و ثقةً للداخل لتجد أن

"سليم" لم يأتي بعد ، فتذهب إلى منضدتها المفضلة تنتظره

ريثما يأتي ، و ما إن جلست حتى وجدته ماثلاً أمامها و ينزع

نظارته الشمسية هاتفاً باعتذار صادق:

\_أسف على التأخير!

لتجيبه بهدوء:

\_حصل خير...إتفضل يا بشمهندس!

و ما إن يجلس حتى تسأله عما يشرب فيخبرها برغبته ، و بعد إخبارها للنادل بذلك ، تمدّ يدها إلي حقيبتها مخرجة الكتاب من داخلها لتعطيه إياه مبتسمة بهدوء:  
\_إتفضل.

و ما إن يمدّ "سليم" يده لأخذه فتتلامس الأنامل دون قصد منه ، فتبعد يدها بسرعة ما إن شعرت بالقشعريرة تسيطر عليها إثر تلك اللمسة و تبدأ وجنتيها بالتورد باللون الأحمر القاني ، فيلتقط "سليم" الكتاب قبل أن يقع و هو يحاول ألا يخرجها و قد أسره حيائها!

و تحاول "علا" التخلص من ذاك التوتر و الذي صاحبه هدوء قاتل سيطر على الأجواء ، فارضة سيطرتها على دقائق قلبها المتعالية و كأنها ما زالت مراهقة! ، فيهتف "سليم" محاولاً عدم إزعاجها و إحراجها مجدداً:

\_شكراً على الكتاب!!

ثم يردف حينما استمر صمتها:

\_صحيح أنا ملاحظ وجود كاميرا معاك ، أفهم من كده إنك بتحبي التصوير؟؟

و كأنه أعطها الدفعة المطلوبة لتستعيد رابطة جاشها لتتهف:

\_مجرد هواية مش أكثر!





ليتساءل بجدية خبير:

\_ينفع أشوف الصور..و أقول رأيي؟؟!

لترسم ملامح التحدي على وجهها قائلته بحماسة مفرطة:

\_أكيد ينفع!!

ثم تجعله يرى بعض الصور للأماكن التي التقطت صورها بالإسكندرية ، و ما أثار دهشتها البحتة كونه صار يمدح بجمال بعضهم و البعض الآخر ينتقده مع إسداء بعض النصائح بطريقة علمية ، كما لم يبخل عليها بالملاحظات و التي و الحق يقال بأنه جعلها تنتبه لها و قد كانت غافلة عنها!

لتهتف بعد أن استمعت لكامل حديثه بتعجب:

\_هو أنت مهندس ولا مصور؟!

ليضحك ضحكته الفخورة هاتفاً:

أكيد مهندس! ، بس التصوير هوايتي من زمان!!

ثم أردف و هو يرجع بظهره للخلف على مقعده هاتفاً:

\_بس للأسف بقالي كتير مصورتش أي صورة!

لتجيبه "علا" هاتفاً بحماس:

\_حقيقي لازم ترجع لهوايتك من تاني...بجد أنت ذوقك رائع

و نقدك بناء!!

حسناً..فهي تمهد له الطرق كثيراً لحمايتها دون وعي منها ،  
فيضيق من تفكيره الذي لم يتعدى نصف دقيقة كاملة هاتفاً:

\_عندك حق ، بس إيه رأيك نعمل مسابقة ما بينا؟؟؟!

لترتسم معالم التعجب بسرعة على وجهها و تهتف بحيرة  
واضحة:

\_مسابقة بينا؟؟؟...مش فاهمة!

ليتنهد "سليم" بهدوء و هو يطرح فكرته قائلاً:

\_هنتفق على أماكن محددة علشان نصورها ، و اللي صورته تطلع  
أجمل يبقى الفائز و كمان ليه جايزة من الخسران...و نخلي  
الحكم ما بينا الناس الموجودة وقتها في الأماكن دي بحيث  
نسأل ٣ أشخاص...موافقة؟؟

لتجيبه بسرعة و قد أنعش روح التحدي و المغامرة بكيانها:

\_موافقة جداً...نبدأ من بكره؟؟

ليبتسم من زوايته فمه مجيباً إياها بثقة:

\_يبقى على بركة الله..نبدأ من بكره!!

ليأتي النادل في تلك اللحظة و معه أقداح القهوة ، ارتشفوها  
بهدوء و كل منهما يفكر فيما يحمله الغد من تغيرات و  
تطورات!!!!!!...



www.hakawelkotob.com





في اليوم التالي،،،

جالت "علا" بنظرها في أنحاء المكان ، ثم استدارت نصف استدارة لتواجه "سليم" الواقف مجاوراً إياها هاتفته:

\_المكان كويس...يلا نبدأ ، مستعد؟؟

ليجيبها بابتسامة واثقة و هو يومئ برأسه ، فينطلقا كل منهما في اتجاه مختلف على أن يعودا مجدداً إلى نفس المكان في ظرف ساعتين من الزمن!!!

و بعد مرور الساعتين اجتمعا مرة أخرى و في أعين كلاً منهما تحدي غامر ، ليسرح قليلاً في جمال عينيها للحظات بدت كافية ليطلق على إثرها تنهيدة حارة تحمل في طياتها الكثير و الكثير ، ثم يستدرج نفسه مانعاً إياها بالقوة من مطالعتها! ، فيما هي متشبثة بنظرها على الصور الملتقطة غير منتبه لنظراته ليهتف قائلاً:

\_مستعدة نختار الحكام؟؟

لتنظر إليه بغتةً وقد أسرهما ما رأت ، فاقد انعكس ضوء الشمس على عينيهِ فصار أكثر وسامةً و أكثر هلاكاً ، ليقاطع تأملها مكرراً سؤاله ثانياً ، مما يدفعها للانتباه إليه أكثر تلك المرة هاتفته:



\_إمممممم...هختار الولد الصغير ده!

ثم تشير لآخر و آخر مجاوراً له هاتفت:

\_و الصياد ده ، و الراجل ده كمان!!

ليبتسم ابتسامته المعهودة هاتفاً:

\_يبقى إتفقنا!

ثم يبدأ كلاً منهما بالتحرك إلى إنقاء الساعتين ليتلاقيا  
مجدداً!!

بعد مرور ساعتين و نصف،،،

و بعد سؤال الثلاثة أشخاص كان الفوز حليف "سليم" ، مما دفع  
"علا" لتتذمر و بشدة كالأطفال و قد تناست تماسك ذاتها و  
إخفاء انفعالاتها بصفتها صحافية ، فقد دفعها التحدي لتغلب  
الطفلة الكامنة بداخلها على تلك الصحافية الشجاعة  
القوية!

لتهتف بابتسامته صغيرة للغاية تكاد تختفي من الأساس:

\_مبروك يا بشمهندس!

ليطالعها "سليم" ثم ما يلبث أن ينفجر بوجهها مقهقهاً بشدة  
هاتفاً:

\_حاسس إن مبروك دي مش من قلبك...هى دي الروح الرياضية  
يا أستاذة علا؟؟!

لتجيبه بسرعة فهى تبغض من يسئ فهمها:

\_لأ طبعاً...بس كنت أتمنى أفوز ، بس حصل خير!!

ليفاجئها بإجابته تلك المرة هاتفاً:

\_طب إيه رأيك نكرر التجربة تاني؟؟

و كأنه أعطاها الحبل لتتشبث به و تثبت ذاتها ، و لهذا فهى لن  
تتوان في استغلال تلك الفرصة الذهبية على الإطلاق! ،  
فأجابته بتحدي براق:

\_موافقة!!!

و هكذا ظلوا لمدة أسبوع و كان الفوز حليفها في معظم المرات  
، مما جعلها تشعر بالانتعاش و السعادة ، و هكذا تحتم على  
"سليم" الاعتراف بهزيمته أمامها و موافقته على ما تريده و  
تنفيذه لما تطلبه مستجيباً باسم راضياً عاشقاً!!!!....

لتهتف "علا" بجديته و ابتسامته سعيدة تزين ثغرها:

\_كده يبقى أنا ليا طلبات أكثر من طلباتك ، و لازم ننفذ  
الاتفاق بحذافيره!!

ليجيبها بابتسامته عاشقة:

عندك حق! ، ابدى أنت و قولي طلباتك و أنا عليا التنفيذ  
بإذن الله!

علا بتفكير:

\_إمممممم...أول طلب هو إني عاوزه أشوف غروب الشمس من عند  
القلعة!!

لتصيبه الدهشة من طلبها البسيط:

\_هو ده طلبك؟؟!

لتجيبه بجديته و ابتسامته تزين ملامحها:

آه ده طلبي..و لا أنت مش هتنفذه يا بشمهندس؟!

ليجيبها بحسم شديد:

\_لأ طبعاً ، أكيد هنفذه...أنا قولت إنك هتطلبي حاجات  
كثيرة تقطع الوسط و تهد الحيل..مش الطلب الصغير ده!!!..

لتضحك "علا" ضحكة بسيطة رقيقة و عينيها مليئة بشغف  
النصر و تجيبه بمراوغة:

\_إحنا لسه بنقول يا هادئ!!.....

فيبتسم بدوره من تعبير ملامحها ناظراً لساعة معصمه هاتفاً:

\_يبقى معادنا الساعة ٥ ، يناسبك الميعاد ده؟؟

لتمنحه إحدى ابتسامتها الطفولية قائلة:







\_\_يناسبني...عن إذنك بقى دلوقتي!

سليم بابتسامته عاشقة مهلكة:

\_\_إتفضلي!..

ثم يغادرا على وعد باللقاء عند القلعة قبل وقت الغروب  
بقليل!.....

بجوار القلعة،،،

مغمضة عينيها بارتياح جمّ و هي تتنفس بأريحية بحثت و  
كانها انفصلت عن ذاك العالم الواقعي الأليم و انفردت بذاتها  
بداخل فقاعة هوائية لذيذة في عالمها الموازي دونما أي تطفل  
أو إزعاج ، و البحر أمامها و كأنه تشرف عليه من برجها العاجي  
، لتظل هكذا لمدة طويلة دون أن تلاحظ اختفاء مرافقها  
"سليم" و الذي عاد و وقف خلفها يتأمل استمتاعها و قد نسيت  
أمره تماماً ، ليضيق من تأمله و ابتسامته عاشقة تشق سبيلها إلى  
فمه هاتفاً بهمس:

\_\_إتفضلي!

لتجفل من صوته الهامس القوي فتستدير للخلف فتجده يمدّ يده  
الممسكة بالآيس كريم المثلج ، فتنفجر أساريرها بشدة و

كان القدر منحها الفرصة الذهبية لتعود طفلة ، فتمدّ يدها  
بسرعة لتأخذه منه قبل أن يسيل لعابها أكثر و أكثر هاتفت:  
\_الله..شكراً!...

لتزداد ابتسامته اتساعاً و هو يتقدم بجوارها هاتفاً:

\_العفو...ها المنظر عجبك؟؟

لتجيبه بعضوية بسيطة:

\_المكان هنا من اللي أقدر أقول عليه جملة "يخطف الألباب و  
يكتم الأنفاس سحراً"

ليقهقه باستمتاع شديد هاتفاً:

\_يا سلام على قوة التعبير!...

ثم يردف بهمس بسيط:

\_يا بخت المكان بوجودك فيه!

و لكنها لم تنتبه إلى همسه و ظلّت على حالها من تأمل المكان  
باستمتاع و هي بين الحين و الآخر تتناول الأيس كريم ، إلى  
أن تلتفت إليه فجأة هاتفت بتساؤل:

\_كملي الحكاية بقى!

ليجيبها بهدوء و ابتسامة بسيطة تكال ثغره:

\_عيوني! ، لما وصلت سن ١٥ سنت ، أمي بدأت تتعب أكثر و أكثر و بابا كان بيصرّ إنها تروح للدكاترة..لأنها مكنتش بطيق ريحة المستشفيات ولا حتى الأدوية ، و لما كشفت كان المرض إتمكن منها بخباثة للأسف و مبقاش باليد أي حيلة! ثم أخذ نفساً عميقاً ليتابع سرده ، فيما تراقب "علا" ملامحه

\_فضلنا جمبها الفترة دي...كنا عارفين إنها خلاص بتروح مننا و في نفس الوقت مش بيدينا أي حاجة غير الدعاء ليها و بس...الموضوع كان صعب أوي على بابا ، مكنتش راضي يستوعب إن خلاص مبقاش في وقت و إن حبيبته بتضيع منه ، و حتى كمان لحد ما أمر ربنا نفذ و إسترد أمانته مننا..فضل بيقعد لوحده لأكثر من شهرين ، منعزل عن الكل..أهمل شغله و صحته و مبقاش فاضل ليه غير الذكريات..يصحى الصبح يروح يزور قبرها و يرجع على العصر و يفضل في أوضتهم!

لتقاطعه متسائلة بفضول حزين:

\_طب و أنت كنت عامل إيه؟!

ليبتسم نصف ابتسامة حزينة و يستدير بوجهه صوبها هاتفاً ببطء:

\_كنت عاجز...برغم سني الصغير ، إلا إني مكنتش عارف أتصرف..بابا كأنه نسي وجودي خالص و كل اللي باقي ليه هو

ذكرياته معها و كأنه عاوز يروح ليها النهاردة قبل  
بكره...لحد ما في يوم كنت بعمل ليا أكل و نسيتته على النار  
و دخلت البلكونة و سرحت في ماما و قد إيه كانت وحشاني ،  
و فجأة معرفش بابا طلع منين ليا و خدني في حضنه أوي و قعد  
يعيط و يعيط و يعيط..و كأنه حس بوجودي فجأة ، و قال  
جملة لسه فاكرها لحد دلوقتي!!...

لتطالعه بفضول أشد فيبتسم تلك المرة بحنين شديد و يروي  
ظماً فضولها هاتفاً:

\_قالي أنه أسف و إني أغلي حاجة عنده دلوقتي من بعد ماما ، و  
إنه لما شم ريحة الشياط خاف...خاف أحسن أكون سييته و  
روح لماما من غيره ، و من ساعتها رجع تاني يهتم بشغله زي  
الأول و برغم إنشغاله إلا أنه كان بيقعد معايا وقت طويل و  
يفضل يسمع مني كل حاجة بعملها...بإختصار كان صاحبي و  
لايزال!!...

لتطالعه بعيون ماسية ، فدموعها تهدد بالسقوط من شدة تأثرها  
و لكنها سريعاً أغمضت جفניה مرتين متتابعتين رامشة  
بأهدابها حتى تظل ثابتة!

و بعد وقت بسيط هتفت فجأة:




\_والدك فاكرنى بماما الله يرحمها...كانت متعلقة بابابا أوي  
، ولأنها كانت مطمئنة على إن عمي موجود و عيلته و لأن حبها  
لبابا كان أقوي بكثير...ماتت بعده بخمس شهور!!  
ثم أردفت متنهدة:

\_ربنا يرحم أمواتنا جميعاً!  
ليرد عليها بتأمين خاشع متبع بجديتة طفيضة:  
\_اللهم أمين...يلا نمشي قبل ما الجو يسقع!  
لتجيبه بدورها بهدوء:  
\_يلا!!

و ما إن يستديرا للمغادرة حتى يلمح "سليم" ظلّ مريب متخفي  
بأحد الزوايا ، فتستيقظ روحه المنقذة الشرسة بداخله ، و دون  
سابق إنذار يمدّ يده خلفه لإخراج سلاحه الميري من جرابه  
الخاص ، و بيده الأخرى يجذب "علا" بشدة خلف ظهره!!  
قشعريرة لذيفة داعبت أوصالها ما إن أمسك كف يدها فجأة  
مما جعلها تتخبط في عالم وردي و لكنها لم تستمر في دوامتها  
المتخبطة تلك ما إن لاحظته يجذبها خلف ظهره بقوة و إصرار  
، و كادت أن تعترض و لكنه همس بشراسة مخيضة قبل أن  
تتفوه بأي حديث:

\_خليكي ثابتة لحد ما نوصل لعرييتي!





لتهتف بامتعاض معارضة:

\_ليه..في إيه؟؟ ، طب و عربيتي أنا؟؟!

ليهتف بنبرة حازمة حاسمة قاطعة جميع تساؤلاتها:

\_علا...نفذي كلامي أرجوكمي من غير نقاش..لأن حياتك في خطر!!....

لتصمت على الفور و هى لا تعي ماذا يجري و لكنها تسير وفقاً لخطوات السريعة ، و ما إن وصلا إلى سيارته حتى فتح باب السائق مسرعاً و دفعها للدخول بحزم ، حتى تنتقل للمقعد المجاور ثم يدلف خلفها و يغلق الباب مسرعاً ، فيسمع صوت طلقة خلفه ، مما يدفعه لتدوير المحرك بسرعة شديدة أمراً إياها بصريخ يكاد يصم الأذان بأن تنبطح لأسفل المقعد!!

و أمام صراخه لم تملك سوى الخضوع بسرعة ، و معالم الرعب ترسم بحرفية على وجهها المتوتر فهى قريبة من الموت قاب قوسين أو أدنى!!

انطلق بسيارته سريعاً محدثاً صريراً عالياً ، و هو يتابع من جميع المرايا السيارة التي تتبعه و التي يخرج من إحدى نافذتها شخص ملثم يمسك بمسدس بيده ليطلق النار عليهم ، و "سليم" ينحرف بالسيارة تارة يميناً و تارة يساراً محاولاً تفادي الرصاصات

المنطلقة من ذاك المثلث ، ثم يلتف فجأة للأسفل حيث موضع  
تواجد "علا" هاتفاً بصراخ:

إطلي بسرعة و افتحي التابلوه ، و خدي المسدس الثاني  
بسرعة!

لتهتف بذعر بدورها:

\_لألاً مسدس لأ...مش بعرف أمسكه!!

لينهرها بصراخ أشد و أعلى صوتاً:

\_نفذي كلامي ، مفيش وقت..لو كنتي حابطة إنك تنتصري  
في قضيتك!!

ثم أردف بجديّة بصوت أعلى و أعلى:

\_يلا بسرعة خديه!

لتمثل لأوامره كالمغيبة ، فتفتح التابوه و تلتمس بأناملها  
المسدس و كأنه مرض خبيث و لكن تحت وطأة صراخه  
المستمر لم تملك سوى القبض عليه بأنامل مرتعشة ، و ما إن  
إطمئن "سليم" من إمساكها بالسلاح حتى أطلق العنان لسرعة  
محرك سيارته!!!!!!.....

يدور بسيارته من شارع لآخر ، و طلقات الرصاص لا تتوقف و  
المارة في حالة ذعر شديد و كل منهم يقفز على الرصيف  
متشبثاً بحياته ، إلى أن يصل "سليم" لشارع ضيق للغاية و ذاك

لسوء الحظ ، مما يدفعه لأمرها صارخاً بالخروج من سيارته ،  
فتمثل لأمره طاعة صاغرة ، و ما إن يخرج بسرعة حتى يتوجه  
إليها ممسكاً بيدها جاذباً إياها خلفه و هو يجري بسرعة فائقة  
و هي تحاول مجاراة خطواته الراكضة الواسعة!!....

و بينما هما مستمران بالجري ، إذ بغتة يقاطع طريقهم أحد  
الملثمين و هو يمسك بيده المسدس ، ليزداد تشبث "سليم"  
ب"علا" و يهرج بالاستدارة و لكن يفاجئه من خلفه الشخص  
الملثم الآخر ، ليقذف ب"علا" إلى إحدى الزوايا أمراً إياها بالهرب  
، و لكنها تقع على الأرض غير مستوعبة لصراخه و كأنها  
تشاهد فيلماً من النوع الأكشن بصيغة 3D..!

ليشير "سليم" بإحدى يديه علامة دعوتهم للاقترب منه و يده  
الأخرى تحمل مسدسه ، و ما إن يفعل حتى يطلق النار أحدهم  
النار على "سليم" و لكنه يتفادى تلك الرصاصة بحداقة  
قافراً للجانب ، و قبل أن يستدير ذاك المثلث الذي تهور بإطلاقه  
النار...عاجله "سليم" بركلة قوية أسفل بطنه مما دفع الأول  
للتأوه بشدة و سقوط مسدسه بعيداً عنه ، بينما الآخر مازال  
يتقدم صوب "سليم" و على وشك ضربه بقبضته ، فيستدير  
"سليم" نحوه مرهفاً السمع لخطواته و يمسك بيده التي تحمل  
السلاح و يثنىها بشدة ثم يرفع ركبته ضارباً منطقة الكوع(ما  
بين العضد و الساعد)..مما يدفع ذاك المثلث إلى الصراخ و



إرجاع ظهره جزئه العلوي و رأسه للخلف ، فيضربه "سليم"  
بجبهته دافعاً إياه السقوط!

و قبيل سقوط ذاك المثلث على الأرض ، وصل إلى مسامع سليم  
صوت طلقة عشوائية تشق سكون الليل لينظر خلفه فيجد  
المثلث الآخر و قد أصيب في ذراعه إثر الطلقة التي أطلقتها  
"علا" بإيدي مرتعشة حينما لاحظت نيته للهجوم على  
"سليم".. ليسقط ذاك المثلث أرضاً فاقداً للوعي ، في ذات  
اللحظة التي تسقط بها "علا" أرضاً و ذاك السلاح يتهادى  
بانسياب مرتعش من بين أصابعها!

و قبل أن يتوجه صوبها أطلق "سليم" تأوه بصوت صراخ  
مكتوم... إذ أن المثلث الثاني قد طعنه غدرًا في المنطقة  
الظهرية بسلاح أبيض ، فيستدير "سليم" ناحيته معجلاً إياه  
بطلقة نارية اخترقت جبهته فخر صريعاً أمامهم!!....

و ما إن رأت "علا" ذاك المشهد الدموعي حتى أطلقت صرخاً  
مرتعشاً بانهيار ، و ما زاد الطين بلّة هو أن لمحت "سليم" يقع أرضاً  
هو الآخر إثر طعنه بالسلاح الأبيض. حتى اقتربت منه زاحفًا  
بصدمة إلى أن وصلت إليه و أمسكت بإيدي مرتعشة ذاك  
السلاح محاولتً سحبه بسرعة متعجلة مرتعشة ، فهي لا تقوى  
على المجازفة بسحبه بشدة! ، إلى أن هتف بها "سليم" بضعف  
قبيل أن يغمض عينيه باستكانة:



إهربي..خدي المسدس معاكي ، أكيد هيجي حد ثاني  
هنا!!!..

ثم أغمض عينيّه مستسلماً لتوجعه و تألمه دون تذمر و كأنه  
قد إطمئن نسبياً عليها!!

لتركه "علا" على الفور أرضاً بعد أن استجمعت شجاعته و  
سحبت ذاك السلاح من ظهره ، لتقف بعدم ثبات في محاولة  
فاشلة منها للتوازن ثم تجري مسرعة صوب السيارة لتجذب  
حقيبتها من تلك النافذة اللعينة ، و تخرج هاتفها و بأنامل  
مرتعشة تطلب الإسعاف  
.....!!!

في المشفى،،،

وصلت سيارة الإسعاف الحاملة كلاً من "سليم" و الملتمين ، و  
فور وصولها دلف "سليم" و ذاك الملتئم إلى غرفة العمليات ،  
بينما الملتئم الثاني إلى ثلاجة المشرحة!

جلست "علا" على إحدى مقاعد الانتظار و هى تدعو الله بأن  
ينقذ مُنقذها من هلاك الموت "سليم" ، ولا تضيق إلا على صوت  
رنين هاتفها المتصاعد بإزعاج ، لتمسكه بأيدي مرتعشة و  
تجيب بتماسك زائف هاتفية:

\_السلام عليكم!



ليأتيها صوت عمها "أحمد" الحنون ، فلا تصمد أكثر من ذاك  
و تنهار باكيةً و هي تسرد باختصار شديد مكان وجودها ، و  
لأن عمها استنتج ما حدث برغم عدم فهمه من لجألتها إلا أنه  
أسرع بإخبارها بالأ تغادر مكانها ريثما يصل إليها!!..

هاتف "أحمد" صديقه "عز الدين" و هو يسرد له ما حدث  
باختصار شديد طالباً منه سرعة بعث ضابط آخر لأن  
المحاكمة بعد ثلاثة أيام ، كما طمأنه "عز الدين" بأن ما  
حدث في سبيل "علا" ، و أنه سيسارع بضم تلك الحادثة إلى  
ملف القضية ، كما سيبحث رجال التحقيق لربط خيوط  
الهجوم و تأكيد ملبسات القضية و سيأتي بنفسه إلى  
الإسكندرية في غضون ساعتين من الآن!

و ما إن دلف "أحمد" إلى المشفى حتى يتوجه إلى الاستقبال و  
سأل عن مكان تواجد الضابط ، لتخبره الموظفة بأنه ما زال  
بغرفة العمليات بعد مطالعتها لشاشة جهاز الحاسوب الراقد  
أمامها على تلك الرخامة ، كما دلّته على مكان غرفة  
العمليات ، فينصرف شاكراً إياها!

أمام غرفة العمليات ،،،

ما إن لمحت "علا" عمها "أحمد" القادم نحوها حتى وقفت فجأة من مكانها و كأن عقرب قد لدغها ، ليقترب منها عمها محتضناً إياها و هو يؤكد بأن الأمور ستكون على ما يرام!  
لتسأله فجأة من بين بكائها و كأنها تربط الخيوط ببعضها البعض:

\_حضرتك رجعت من السفر إمتى يا عمو؟؟  
ليجيبها بهدوء و هو ما زال يهددها و كأنها طفلة ذات تسع سنوات:

\_من ساعتين...و لما ملقتكيش في البيت كملتك..و عرفت مكانك!

لترفع رأسها ببطء صوبه و تنظر لعينية مباشرة بتساؤل لحوح:

\_ده مش مهندس يا عمي ، صح؟؟

ليوماً عمها بصمت علامة الموافقة!

لتتسائل ببكاء:

\_ليه؟؟...ليه ماقلش إنه ضابط مش مهندس..ليه كذب عليا؟؟؟!

ليجيبها و هو يشدد من احتضانه لها:





\_أنتي السبب يا علا!! ، أنتي اللي كنتي رافضة أي حماية ليكي...مخلتيش قدامي حل غير كده!

لتهتف بنظرات مدهوشة:

\_يعني كلكم شايفين إني هبلت و عيلت علشان تضحكوا عليا بالشكل ده؟؟!

ليهتف بصرامتة مانعاً إياها من الاستمرار في الحديث:

\_محدث قال كده...بس سبق و قولتلك أنك مخلتيش حل تاني قدامي غير ده ، و بعدين أنتي لحد ما تتجوزي و تخلفي هتفضلي عيلت بالنسبالي و أنا عمك و أدري بمصاحتك أكثر منك...و النقاش في الموضوع ده انتهى ، و كمان ساعة و نص هيوصل ضابط تاني هيفضل زي ضلك لحد ما ميعاد المحاكمة يجي و بعدين نفضها سيرة من الشغلانة المهبية دي!!!...

و قبل أن تعترض ، وجدت الطبيب يدلف خارج غرفة العمليات ، ليسرع إليه عمها هاتفاً بلهفة:

\_الضابط سليم أخبره إيه يا دكتور؟؟

ليجيبه الطبيب متهدأً بإرهاق:

\_الحمد لله كويس...هو هيفضل في العناية لمدة ٢٤ ساعة لحد ما نتأكد من سلامة كل الوظائف الحيوية و بعدين هيتنقل أوضة عادية!



www.hakawelkotob.com



ليسأله مجدداً و لكن هذه المرة عن المثلث:

\_طب و الشخص المصاب الثاني؟؟

الطبيب بجديّة:

\_هيتنقل أوضّة عاديّة بس وسط حراسته مشددة لحين وصول  
النيابة!

ليشكره "أحمد" فيما يغادر الطبيب ، و ما إن اطمأنت "علا"  
حتى جلست بانقياد على أقرب مقعد و هي تستعيد ما حدث لها  
منذ أن التقت ذاك المنقذ "سليم" ، فحين رآته يتهاوى أرضاً إثر  
طعنته كادت تصاب بأزمة قلبية حادة ، بل كادت تفقد  
النطق إثر صدمتها..هل يعقل أن تعشق شخص عرفته منذ ما  
يزيد عن الأسبوعين فقط برغم كونه كاذب و مخادع بهيئة  
منقذ...؟؟؟؟!! ، و الإجابة المؤكدة لحالتها تلك هي "نعم!!!"

عادت "علا" للمنزل بصحبة ذاك الضابط الآخر ، و دون أي  
كلمة تتفوه بها ، دلفت لغرفتها مستسلمة لبكاء طاحن على  
كل ما مرت به و أخره اكتشافها بأنها تعشق "سليم!!"

و في اليوم التالي عادت "علا" برفقة عمها و أسرته إلى القاهرة  
و ظلت في حماية ذاك الضابط و عمها و لم تخرج مطلقاً سوى  
يوم المحاكمة!!.....

جالست و هى مدركت لأعين الصقر "سليم" المُسلطة عليها و لكنها تتجاهله ، و تصطنع التركيز لمرافعة المحاكمة و النيابة منتظرة الحكم على أحر من جمر ، و بعد وقت طويل من المرافعة تم الحكم لصالح قضيتها المُتبناه ، و إزاء ذاك الحكم و فرحتها به خرجت سريعاً دون أن تلتفت إليه و لو لمرة واحدة حتى لا تخونها عينيها مُتَحججةً بهروبها من الإعلاميين المرابطين بخارج القاعة ، لتستقل سيارتها و تنطلق بها مسرعةً بسرعة هوجاء و كلما ابتعدت كلما قلّت سرعتها إلى أن ضغطت على فرامل السيارة فجأة لتتوقف على جانب الطريق و تنتحب و تنخرط في البكاء!!....

فى شيلا أحمد الهواري،،،

بعد مرور أسبوع من المحاكمة ، كانت العائلة مجتمعة على الفطور و لكن "علا" يغلب عليها الشرود الشديد و هى تفكر بحزن بالغ: "أهكذا مشاعرى رخيصة! تبا لك يا سليم لقد جعلتني أثق بك بدون تفكير حتى أصيبت بالطامة الكبرى منك ، آه كم أشتاق لوجودك بجواري تتحداني في تلك المسابقة البلهاء التي كانت مجرد طعم ابتلعتة أنا كالمغفلة مُرمغة ما تعملته من مهنتي بالتراب...ساعدني يا الله"



ليخرجها من شرودها عمها هاتفاً بجديّة:

\_علا...في ضيوف النهاردة معزومين عندنا على الغدا ، و ضروري  
تبقي موجودة!!

لتوافق على ما يقوله برضوخ و كأنها فقدت لذة فضولها! ،  
بينما تهتف هاجر متسائلة:

\_ضيوف مين دول يا بابي؟؟

ليجيبها بنظرة محذرة:

\_خليكي فى مذكرتك و إسكتي

لتصطنع "هاجر" الحزن قائلة:

\_بكره تعرفوا قيمتي كويس !

ليؤكد "أحمد" كلامه على الجميع قائلاً:

\_عاوز كل حاجة تبقى تمام يا "مايست" ، و أنتي يا "هاجر"  
بطلي لماضتة شويّة ، و لازم تبقي موجودة يا "علا!..."

ليوافقهم الجميع بردود أفعال متباينة ما بين حماسة و ما بين  
فتور!!!

في شيلة الهواري،،،





و على موعد الغداء ، هبطت "علا" من الأعلى لتجد عمها يتحدث مع رجل يبدو في الخمسين من عمره ، لتقترب أكثر حتى تلقي السلام عليه ، ثم تجلس بجوار "مايست" و "هاجر" و في مواجهة الباب تماماً!!

و بعد مرور ثلاث ساعات ، يرن الجرس لتفتح الباب إحدى الخادومات ، فيدلف منه سليم المتأنق كعادته و الحامل لباقة من الورود البيضاء!!

و ما إن رآته حتى اختلطت مشاعرها بين عشق و اشتياق و بين حزن و بغض لفعلة الشنيعة بحقها ، ليقطع شرودها صوت عمها و هو يدعو للجلوس قائلاً:

ـ إتفضل يا ابني إقعد!

ليجلس "سليم" على إحدى المقاعد المواجهة لموضع جلوس "علا"

، وبعد أن طالعها بعشق و لهفة هو الآخر في غضون سويحات بدت أكثر من كافية له حالياً ، هتف باعتذار جلي:

ـ عذرنى يا عمي علي التأخير ، المهم إن والدي قاعد مع حضرتك أهو قبلي!!

ليختلس "سليم" النظرات إليها حتى يعلم رد فعلها ، و لكنها كانت تبدو قوية شرسة ، و لكن حقيقةً كان داخلها ممزق بين عشقها و بين كرهها لفعلته المزرية!!!...

ليقاطع تأمله صوت "أحمد" و هو يهتف باسمًا:

\_والدك راجل محترم بجد ، و فعلاً ذاك الشبل من هذا الأسد!

ليتحدث "راغب" والد "سليم" تلك المرة قائلاً:

\_الله يكرم أصلك ، بس نخش بقى في موضوعنا

الرئيسي...إحنا يشرفنا نطلب إيد الأنسة "علا" لابني "سليم"

و كأن ناراً أحرقت أحشائها فتتلاوى من الألم ، لتتهتف مسرعةً بألم و حنق شديدين:

\_و أنا مش موافقة...عن إذنكم!

ثم تهرول مسرعةً للخارج ، فتستقل سيارتها منطلقاً إلى

(كورنيش النيل) ، فهو أكثر مكان تعشقه لتختلي بذاتها به

، و الذكريات تهاجمها كفريسة ضائعة تُهاجم من قبل وحش

ضاري ، فالحيرة تملتكها كالتعويذة رافضة تحريرها فلا

تتخذ قرار صائب حيال حياتها!

و كيف تتقبل وقاحة هذا الكائن "سليم" و طلبه للزواج منها

بكل جرأة و سفور؟؟؟!





في شيلا الهواري،،،

يحاول "أحمد" إصلاح ما يمكن إصلاحه ، فمغادرة "علا" بذاك  
الشكل يعتبر إهانة شديدة في حقه قبل حقهم! ، فيهتف قائلاً  
برجاء أبوي:

\_متزعلش يا سليم ، هي لسه في مش مستوعبة اللي  
حصل...إديها فرصة تفكر و بإذن الله توافق!

ليوافقته "راغب" و الذي علم بما حدث بعدما علم بإصابة فلذة  
كبدته بالمشفى و شروده الدائم ، فيهتف قائلاً:

\_أنا برضو شايف كده يا سليم ، إديها وقتها..و اللي فيه الخير  
يقدمه ربنا!

ليهتف سليم قائلاً بنبرة حزينة مجروحة مغلفة بالصمود:

\_حاضر ، إن شاء الله هتفهم موقفى كويس و توافق!...

فحين يملك العشق من أحدٍ ، فإنه لا محالة مهلك فى سبيل  
عشقه!

أمام كورنيش النيل،،،

و بعد أن استغرقت وقت كثير في التفكير ، ظلّ لسان حالها  
يردد: "كيف تُحب كاذب أنقذ حياتها..أيعقل أن تستمر بعشق



منقذها بعد أن اكتشفت كذبه و خداعته لها؟! ، فالأمر  
تخطى العشق و صار بعلاقة وثيقة بالكبرياء!!

لتنهد بلا جدوى و تعود لسيارتها و تستقلها عائدة للشيلا حيث  
تواجه غضب عمها !!

و ما إن خطت بقدمها داخل الشيلا ، حتى صاح عمها قائلاً:  
\_مكنش يصح تجري زي العيال كده و تسبيني فى نص هدومى  
مع الناس!

لتشعر بفداحة فعلتها و يبدأ تأنيب ضميرها في السيطرة عليها  
لتهتف قائلة:

\_أنا أسفرت يا عمو...بس والله غصب عني !  
ليقترب منها محتضناً إياها و هاتفاً:

\_طب يلا على أوضتك بقي يا هانم...أصلاً الوقت إتأخر ،  
نكمل كلامنا بعدين!

لتومئ رأسها بالموافقة هاتفة:

\_حاضر يا عمو!

ثم تصعد لغرفتها مطلقاً العنان لدموعها في صلاتها و هي  
تناجي ربها بأن يلهمها الصواب!...



تجربتي





بعد مرور شهرين،،،

تجنب "سليم" الاتصال بها لتوضيح موقفه إمتثالاً لنصيحة عمها ، و لكنه كان يطمئن عليها منه من حين لآخر ، و كان هذا كافي بالنسبة إليه حالياً...فهو لن يترك أي فرصة إلا و يقتنصها للتحدث إليها!!

كانت "علا" ذاهبة إلى النادي بسيارتها ، حينما اعترض طريقها سيارتين جيب ليهبط منها ملثمون ، و قبل أن تهم بالاعتراض تم تخديرها على الفور بقطعة قماش مغموسة بمخدر فعال ، و بعد أن فقدت الوعي تم حملها من قبل أحد الملثمين و وضعها بإحدى السيارتين ، حتى ينطلقوا إلى مكان مجهول في منطقة نائية مهجورة!!!

في المكان المهجور،،،

الرؤية مشوشة أمامها ، و تشعر بثقل شديد برأسها..مهلاً إنها جالسة على كرسي بال و مكممة الفم و مقيدة بحبال ، لتحاول رفع رأسها قليلاً و تهمهم هاتفياً:



\_\_\_\_\_إمممممم...إمممممم...إمممممممم

لينتبه لها أحد الرجال الملتهمين و يبدو أنه الزعيم لهم ،  
فيقترب منها ببطء حذر ، ثم يزيح البلاستر البلاستيكي من  
فوق فمها بقوة آلمتها ، هاتفاً بنبرة أثارت الرعب و التقزز  
بأوصالها:

\_\_\_\_\_إيه يا قطرة مالك بس؟! ، متخافيش أوي كده!!

ثم أضاف و هو يطلق قبلة في الهواء بطريقة مقرزة بشكل  
بائس:بس ده أنتي طلعتي جامدة بشكل فاجر...أحلى من  
الصورة بكثير ، بس مش برضو عيب لما تلعبى مع الكبار اللى  
مش قدك!

لتتهف بثبات زائف و قد تملك الخوف منها:

\_\_\_\_\_أنتوا مين ، عاوزين إيه مني ؟!!!

ليرد الرجل الملتهم بنبرة تهديد صريحة:

\_\_\_\_\_عاوزين روحك يا قطرة...علشان متلعبيش مع الكبار تاني!!!

فى نفس الوقت كان عمها "أحمد" كلما حاول الإتصال بها  
وجد هاتفها خارج التغطية ، مما جعل القلق يصيبه بشكل  
مرعب و هو يتخيل الكثير و الكثير من الأهوال ، إلى أن إستقر  
به الحال بعد أن أخذ قراره بمهاجمة "سليم" ليسرد عليه بأنها

توجهت للنادي منذ ما يقرب من ساعتين ، فأصاب "سليم" القلق بدوره مما جعله يتوجه إلى النادي ، ولكنه لاحظ في الطريق سيارتها مصفوفة بإهمال على جانب الطريق ، و الباب شبه مفتوح!!

و حينما اقترب أكثر وجد ساعتها مكسورة مما دفع الشك بالتغافل بداخله ، فطلب على الفور أحد أصدقائه في شرطة المرور ليطلب منه خدمة طارئة و أنه سيكون ممنون له طوال عمره ، و ما إن أجاب صديقه "آسر" حتى هتف مسرعاً:

\_آسر...عاوز خدمة ضروري و هكون مديون ليك طول حياتي...

ليقاطعه "آسر" هاتفاً بقلق:

\_في إيه يا سليم؟؟ ، قلقتني؟!

ليهتف "سليم" بجزع:

\_خطيبتى اختطفت على طريق (.....) ، و ضروري محتاج أشوف شرايط التسجيل !

ثم يردف برجاء:

\_أنا عارف إن لازم تصاريح و حاجات كتيرة..بس بجد مفيش وقت ، أرجوك يا آسر إتصرف!

ليهتف "آسر" بجديّة:





\_نص ساعة و هتلاقي التسجيلات مبعوتة ليك!

ليجيبة "سليم" بامتنان حقيقي قائلاً:

\_مش عارف أشكرك إزاي يا أسر..هستنى التسجيلات بس  
استعجل و حياة أبوك قبل ما ولاد ال\*\*\* يعمولوا فيها حاجة!

ليجيبة "آسر" بجديّة أشد:

\_حاضر والله...سلام دلوقتي!

ثم يغلق الخط ، فيما يتصاعد الغضب بداخل "سليم" و يغلي  
كالمراجيل و هو يفكر بتوتر جلي عما يكون قد أصابها!

و بعد نصف ساعة بالضبط مرت على "سليم" كنصف قرن بعث  
إليه "آسر" بالشريط التسجيلي لكاميرات مراقبة ذاك الطريق  
، كما تمكن صديقه "آسر" من استخلاص رقمي السيارتين ، و  
قام بالفحص الشامل و اللازم من معلومات عن تلك السيارتين  
ليكتشف بعدها أنهم سيارات خاصة بأحد المجرمين و  
الباطنية التابعين لأحد الفاسدين من أعضاء مجلس الشعب  
المحكوم عليهم فى القضية ، فأخبر "سليم" على الفور ، و  
بالتالى شكره سليم سريعاً!

ثم هاتف رئيسه "عز الدين" و أبلغه بما حدث و طلب منه  
الكشف عن اسم ذاك المجرم من الملفات و معرفة مكان  
مخبئهم بسرعة فائقة ليتمكن من إنقاذ "علا!!!"



و بعد حوالي ساعة كان سليم يتوجه إلى المكان المخطوفة فيه "علا" مع قوات من الشرطة بعد وضع خطة مُحكمة!!!...

بداخل المكان المهجور،،،

"يا لوقاحة تهديدهم البذيء ، و لكنها ستصنع الشجاعة محاولتً إلهائهم و ألا يقتربوا منها حتى تفكر بحل لتلك المعضلة!!"

هكذا فكرت "علا" ، لذا هتفت بقوة و شجاعة جريئة في ظاهرها و مزيضة في باطن حقيقتها:

\_ما تقدروش تعملوا ليا حاجة أصلاً!

و إذ بغتً يقفز "سليم" من الحبل المتدلي من السطح حتى بعدُ ثلاثة أمتار من الأرضية ، بينما في نفس الوقت يُحاط المكان من قبل رجال الشرطة في سرية تامة ، فيهدف سليم بشراسة:

\_يبقى مستغني عن عمره اللي يقرب من مراتي!

لتستعيد "علا" رابطة جاشها بقدوم مُنقذها و الذي يبعث في ذاتها الأمان و كأنه يملك سر تعويذة سحرية تطمئنُها!

فيما ينهال "سليم" بالضرب بقضبته الحديدية على ذاك الملتئم الأكبر سناً و زعيمهم ، و بعد إن انتهى من أمره ذهب مسرعاً إلى معشوقته "علا" ، و فك وثائقها ثم تركها لبرهة

من الزمن تفرك معصمها إثر الربط! ، في حين كان رجال الشرطة يلقون القبض على جميع الأطراف الشريرة ويجذبونهم تجاه عربات الشرطة المتعددة!

ليتهف "سليم" غامزاً بعشق:

\_حمد لله على سلامتك!

لتخجل "علا" من حركته ، و تحاول النهوض من مكانها هروباً من نظراته!!

و لكن ما إن تنهض حتى تصاب بالدوار ، فأثار المخدر ما زالت سارية المفعول عليها ، ليسندها سريعاً بذاعيه و يخرج بها من ذاك المكان ، و يأمر أحد العساكر بجلب كرسي لها و زجاجة مياه!!!

و ما إن يحضر العسكري ما طلبه منه حتى يأمره بالانصراف ، و يجعلها تجلس مكانها و يتهف قائلاً:

\_رعبتيني عليكى ، ماتتصوريش أنا كنت هموت من القلق عليكى قد إيه؟!!!

لتتهف "علا" بضيق من ذكر الموت:

\_متجيبش سيرة الموت ثاني على لسانك!

ليتهف سليم غامزاً:



\_سمعاً و طاعة يا زوجتي الجميلة!

لتهتف بدورها بامتعاض:

\_متقولش زوجتي ، أنا أصلاً مش موافقة!

ليجيبها بغیظ:

\_مش موافقة؟؟؟ ، هو أنتي تطولي أصلاً؟؟؟؟

لتجيبه بشموخ:

\_أطول و نص...و برضو مش هتجوزك!

ليسألها بتهديد:

\_ده آخر كلام عندك؟؟؟!

لتجيبه بعناد:

\_أيوه آخر كلام عندي!!

لينادي "سليم" فجأة على العسكري المرابط بجوار سيارة

الشرطة هاتفاً:

\_أنت يا عسكري...تعالى هنا!

ليلبى العسكري طلبه على الفور ، و ما إن يقف أمام "سليم"

حتى يمسكها من الياقة الخلفية لقميصها الواسع ويأمره قائلاً:

\_خد الأنسة على البوكس!!



لتهتف "علا" جاحظت العينين:

\_إيبيه اللي بتعمله ده يا "سليم"؟؟؟؟!

ليجيبها بلامبالاة و قد أوقفها من مجلسها:

\_ده اللي عندي يا آنسة..لازم نروح القسم علشان نقفل  
المحضر!!

لتحاول استمالته و ردعه عن إمساكها هكذا:

\_يعني يرضيك يا حضرة الضابط مراتك تخش القسم في  
بوكس؟؟!

ليهتف سليم قائلاً بنصف عين:

\_مراتي مين لا مؤاخذة؟؟؟!

لتهتف مسرعة:

\_أنا إن شاء الله...مش أنت عرضت عليا الجواز دلوقتي و أنا أهو  
وافقت يا باشا!!

ليهتف بعبث خفي:

\_مكنتيش موافقة قبل كده يا هانم...إيه اللي غير موقفك  
كده؟؟!

لتهتف بضيق واضح:



\_ماهو بص بقى...بوكس و مش هركب ، ده أنا أقدم فيك  
شكوى ، إيه الاستهتار بحياة المواطنين ده...فين حقوق  
الإنسان يا رجل القانون و حماية الشعب..ها فييين؟؟!

ليفرك "سليم" ذقنه بأصابع يده هاتفاً:

\_تقدمي شكوى..أها! ، و فين حماية المواطنين!!؟ ، لأ  
شكلك كده مطولت معانا بإعتبار فيما بعد إنك معتقلة  
سياسياً ، خدها يا عسكري!!!...

ليهم العسكري بالقبض على معصمها بصرامتة ، فتجلف من  
قبضته عليها و تهتف بجزع قائلة:

\_إستنى بس يا حضرة العسكري...أنا مراته المستقبلية بإذن  
الله ، بس هو هزاره ثقيل و رخم شويتين!!!

ثم تستدير صوب "سليم" و الذي أولاها ظهره ، و تهتف بصوت  
عالي:

\_و الله العظيم كده ينفعش! ، خلاص موافقة والله أتجوزك  
يا مجنون!!!...

ليستدير صوبها و هو يصطنع عدم السمع قائلاً:

\_قولتي حاجتة يا لولا؟؟!

لتزفر بحرارة قائلة:



\_قولت موافقةً أتجوزك يا حضرة الضابط!

ليأمر "سليم" العسكري بتركها و ينصرف ، و ما إن يبتعد منهما حتى يقترب منها قائلاً و هو يتنهد بحرارة:

\_طلعتي إيماني و عيني يا مجنوناً!!....

فتهتف بدورها:

\_كان لازم أفش غيلي فيك علشان الكذبة بتاعتك يا بشمهندس!!

ليجيبها بدوره و هو يسحبها خلفه من ذراعها:

\_المسامح كريم بقى و أنا كنت مضطراً...يلا بينا على المأذون ، بدل ما نتمسك فعل فاضح في الطريق العام!!!!....

لتهتف بدهشة:

\_استنى هنا يا مجنون ، عاوزه أكلهم عمو!!

ليجيبها بثقة بعد أن فتح باب سيارته لها لتدلف بداخلها و تستقر بالمقعد:

\_عمك و أبويا هيجصلونا على هناك ، ده أنا ما صدقت إنك وافقتي!!!!....

ثم أردف غامزاً بخبث:

\_ده إحنا هنكتب الكتاب و نعلي الجواب و نبل الشربات ، يا  
وعدي!!!!.....



تجدد



تمت بحمد الله  
مع تحيات نيرة نجادى  
و

حكاوي الكتب للنشر الالكتروني





"و حين أغدو مشهورة ، لن أنسى أو أتناسى من دعمني  
حين كنت مغمورة"  
إهداء إلى

كل من ساهم في إخراج هذا العمل ، ونشره وظلّوا  
خلف الكواليس دونما انتظار أي شكر أو مدح....!!

"نفسي أكون مشهورة، مشهورة بجنون"